

REFERAT Kommunalbestyrelsi d. 02-03-2021

Mødedato Tirsdag d. 02. marts 2021 kl. 19:30

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	7
Kommuneqarfik Sermersuumi sulisut naammagisimaarinninnerannik misissuinermit angusat.....	8
Atuarfik Hans Lyngemut nakkutilliarthonermit nalunaarusiaq.....	11
Ittoqqortoormiit pillugu tamakiisumik pilersaarutissatut siunnersuut.....	16
Aalajangiiffigisassat.....	20
Politikkikkut suliarineqartussamik innuttaasut siunnersuuteqarsinnaanerannut periarfissaqartitsineq	21
Ittoqqortoormiini atuarfimmi 8.-10. klassit atuutilerseqqinnissat.....	24
Sunngiffimmi klubbinik Peqqinnermut, Susassaqartitsinermit Kultureqarnermullu Immikkoortortat	31
Angerlarsimaffeqanngitsuuneq pillugu immikkoortumut pilersaarut.....	37
Angallannermit pilersaarutissatut siunnersuut, immikkoortoq 1: Pisuinnaat aamma cykkilertut, Nu	41
Kommunimut pilersaarut 2032 inaarutaasumik akuersissutiginninneq.....	45
Kommunimut pilersaarummut tapiliussap 2B2-5, inuussutissarsiuqarfik Qeqertat inaarutaasumik	49
Kommunimut pilersaarummut tapiliussap 3A3-8 Ammassat, Nuuk inaarutaasumik akuersissutigine	53
Pisortani ataatsimoorussamik ikuallaavik.....	57
Nuussuarmi Inuusuttunut inissianik Utoqqarnullu inissianik pilersaarummut qinnuteqaammut inaar	61
Sinerissap qanittuani aalisarneq pillugu immikkoortumut pilersaarut.....	68
Nuup Kangerluani qipoqqarnik pisaqarnissamut pissaanissamullu inerteqqutinut tunngatillugu ileq	72
Taasariaqartut allat.....	76
Lukket.....	77
Imaqarniliap akuerineqarnera.....	78

Punkt 0: Saqqaa

Charlotte Ludvigsen (IA)
Charlotte Pike (IA)
Uju Petersen (IA)
Harald Bianco (IA)
Inge Olsvig-Brandt (IA)
Storm Ludvigsen (IA)
Knud Mathiassen (IA)
Henrik Rachlev (IA)
Lone Rosengreen Pedersen (IA)
Michael Rosing (Sam)
Nadia Olsen (D)
Justus Hansen (D)
Mala Høy Kúko (S)
Peter Davidsen (S)
Thiiooq Knudsen (S)
Ane Egede Mathæussen (S)
Jens Kristian Berthelsen (S)
Rolf Pike (S)
Lund Kukó (S)

Beslutning

Ataatsimeeqataasut: Charlotte Ludvigsen (IA), Uju Petersen (IA), Inge Olsvig Brandt (IA), Harald Bianco (IA), Knud Mathiassen (IA), Henrik Rachlev (IA), Charlotte Pike (IA), Lone R. Pedersen (IA), Justus Hansen (D), Nadia Olsen (D), Michael Rosing (At), Jens Kristian Berthelsen (S), Peter Davidsen (S), Mala Høy Kuko (S), Lund Kuko (S), Ane Egede Mathæussen (S), Thiiooq Knudsen (S), Rolf Pike (S), aammalu sinniisussaq Pipaluk Lynge-Rasmussen (IA)

Peqataasinnaanani nalunaarteq: Storm Ludvigsen (IA)

Punkt 1: Oqaluuserisassat akuerineqarneri

Beslutning

Lone Rosengreen Pedersen (IA) 04L suliarineqarnerani suliamut attuumavallaarnerarluni nalunaarpoq.

Oqaluuserisassat akuersissutigineqarput.

Punkt 2: Nalunaarutit

2a. Siulittaasumit nalunaarutit

2b. Ataatsimiititanik ataavartunit nalunaarutit

Beslutning

2a.

1. Inuusuttut Kommunalbestyrelsiata (Inuusukombest) ukiumoortumik ataatsimiittarnera ulloq 10. februaarimi digitalimik ingerlanneqarpoq. COVID-19 pissutaalluni ataatsimiinneq digitalimik ingerlanneqassasoq ukioq kingulleq aalajangiunneqarpoq.
Inuusuttut Kommunalbestyrelsiata ataatsimiinnerat ingerlalluaqaaq, tassanilu InuusKombest Kommunalbestyresimut arfineq-marlunnik innersuussutiminnik toqqaapput, taakku ataatsimiinnerup naammassinerani inuusuttut nammineerlutik kommunalbestyresimut tunniussaminnik.
Borgmesteri Inuusuttut kommunalbestyrelsiata innersuussutaasa qanoq ingerlariaqqinnissaanut manlinnaanissani qilanaaraa.
2. Februarip qulingani kommunip peqqinnissaqarfimmik suleqateqarnera pillugu borgmesterip Peqqissutsimut Naalakkersuisoq ataatsimeeqatigivaa.
3. Februarip qulingani borgmesteri Kommuneqarfik Sermersooq sinnerlugu Arctic Mayors Forumip (AMF) ukiumoortumik ataatsimeersuartsinerani peqataavoq. AMF-ip suleriaasissaa ataatsimiinnermi akuersissutigineqarpoq Kommuneqarfik Sermersoorlu AMF-ip allatseqarfianut ilanngulluni.
4. Februaarip ulluisa 25-anni Nuuk Imeq ataatsimeersuarpoq. Kuupik Kleist siulersuisuni siulittaasutut qinigaqqippoq. Ingerlatseqatigiiffik 49,5 mio koruuninik sinneqartoortoq ukiumut naatsorsuutit takutippaat. Kommune 18 mio koruuninik iluanaarutinik pissarsissaaq.
5. Borgmesterip ulluni marsip pingajuanniit arferannut Tasiilamiinnissani pilersaarutigivaa. Borgmesterillu ulluni marsip 16-iannit 18-iannut Paamiuniinnissani pilersaarutigaa.
6. Imaani qassutikunik saliinissaq pillugu aalisarnermut peqatigiiffimmit "Neqitaq"-mit borgmesterimut saaffiginnittoqarpoq. Ajornartorsiut kommunimit ilisimaneqarpoq assigiinngitsutigullu suliniuteqarfigineqalereerluni. Tamanna pillugu Sanarfinermut Avatangiisinullu Ataatsimiititumut saqqummiisoqarumaarpoq.
7. Namminersorlutik Oqartussani Nunamut Namminermut Immikkoortortap komunitit nammineq ingerlasutut misiliinissamik komunit kissaateqarnerannut noqqaassuteqarluni kommunalbestyrelsinut tamanut allagaqaateqarpoq. Komunit akissuteqarnissaannut 2021-mi aggustip ulluisa aallaqqaataannut killilerneqarput. Suliap kommunalbestyrelsimi 2021-mi upernaap ingerlanerani oqaluuserineqarnissaa naatsorsuutigineqarpoq.
8. Nuuk City Developmentip (NCD) ingerlatseqatigiiffiit sisamat Nuummi marlunnik sullorsualiornissamut neqerooruteqarsinnaasutut akuerisimavai. Nuussuarmi sullorsuup pioreersup allilerneqarnissaanut kiisalu Qinnigutta aamma Siorarsiorfiup akornanni nutaamik sullorsualiornissamut neqeroortitsinerumut pisussamut atatillugu, ingerlatseqatigiiffiit Danmarkimeersut, Savalimmiuneersut, Islandimeersut Tjakkimeersullu neqerooruteqarsinnaasussatut piukkunneqarput. NCD-mi pisortaq ilisimatitsivoq, sullorsualiassat 2021/22-imi ukiup nikerinnerata nalaani aallartinneqarnissaat naatsorsuutigineqartoq.

2b.

Uju Petersen, Meeqqanut Ilaqutariinnullu Ataatsimiititami siulittaasoq:

1. **Tasiilami Inuusuttunut Sullissivik**, meeqqanik inissinneqarsimasunik peqareermat maanna qimarnguimmi pioreersumi aallartinneqarpoq. Forstaderimik, immikkoortortaqqarfimmi aqutsisumik kiisalu perorsaanikkut suliaqartunik atorfinitsitsisoqarpoq. Namminersorlutik Oqartussat Prs. Margrethep meeqqanut angerlarsimaffiani illut tamarmik tiguneqarnissaat siunnersuutigaat, suliniutilla naatsorsuutigisamit annertunerussammata ataatsimiititami ataavartumi saaffiginnissut oqaluuserineqassaaq.
2. **Toqqissimanissaq pillugu angalaaqatigiit**; sapaatip-akunnera kingulleq, marlunnik biililerlutik sisamanillu sulisoqarlutik aallartippat. Ulluinnarni unnuut tamaasa nal. 20.00-imiit 02.00-imut ingerlaartarput, weekendinilu 04.00 tungaanut

Inge Olsvig Brandt, Suliffeqarnermut Isumaginninnermullu Ataatsimiititami siulittaasoq:

1. Suliffeqarnermut Isumaginninnermullu Ingerlatsiviup angerlarsimaffimmi ikiortit, tulleriissaarisartut, puigortunngortunut ataqatigiissaarisartut, peqqinnermut tunngasunik ataqatigiissaarisoq angerlarsimaffimmi peqqissaasut ataatsimuulerlutik Magasinikumut nuunnissaat nalunaarutigerusuppa. Taakku init utoqqarnut

suliassaqarfiit immikkoortortaqarfii assigiinngitsut qitiusumut inissisimanerat ataatsimoornerulersissavaat. Ilaatigut qanigisaasut siunnersorneqarsinnaallutik aqutissiuunneqarsinnaallutillu sulisut attavigeriaannaalissavaat.

Justus Hansen, Sanarfinermut Avatangiisinullu ataatsimiititami siulittaasoq:

1. Tasiilami Vikings-it akiliisinnaajunnaarmatali aputaajaasarneq kommunimit ingerlanneqalerpoq. Maanna aputaajaasarnerup ilaa namminersortunut suliariumannittussarsiuullugit aallarnisarneqalerpoq, tamannalu pillugu ingerlatsivik suliaqartartunit marlunnit, misiliutitut qaammatini marlunni illoqarfimmi immikkoortumi ataatsimi aputaajaasussanik, matoqqasumik neqerooruteqartitsivoq.
2. Ingerlatsivik maannamut marloriarluni Paamiuni immikkoortortami aqutsisumik sulisussarsioreerpoq. Marloriarlunilu iluatsitsinani. Suli atorfik inuttalernerqarusummat piaartumik nutaamik allagarsiusseqqittoqassaaq.
3. Taamaattorli Pilersaarusionermut Immikkoortortaqarfimmut sulisunik marlunnik atorfinitsitsiniarneq iluatsissimammat maanna sulisut sisamaapput. Taamaattorli piukkunnaatilinnik teknikimut tunngasunik suliaqartunik atorfinitsitsiniartarneq unamminartuusoq oqaatigineqartariaqarpoq. Piukkunnaatilituannuguit maanna inuussutissarsiortuni namminersortuni, akissarsiaqartitsinerusuni, atorfeqarput.

Michael Rosing, Meeqqanut Atuarfeqarnermullu Ataatsimiititami siulittaasoq:

1. Ingerlatsiviup Tasiilami Ittoqqortoormiinilu atuarfinnik nakkutilliinerit naammasseqqammerpaat, Ittoqqortoormiini aamma meeqqerivinnik nakkutilliineq suliarineqarpoq.

Punkt 3: Ilisimatitsissutit

Punkt 03A: Kommuneqarfik Sermersuumi sulisut naammagisimaarinninnerannik misissuinnermit angusat

Beslutning

Ilisimatitsissut tusaatissatut tiguneqarpoq.

Bilag

2016-imit 2020-mut Kommuneqarfik Sermersuumi inernerit pingaarnerit kiisalu Kalaallit Nunaanni sanilliussineq
(benchmark)

Kommuneqarfik Sermersuumi sulisut naammagisimaarinninnerannik misissuinnermit angusat

Ilisimatitsissut

J.nr.03.00

Suliffeqarfimmut Kiffartuussivik - Vicekommunaldirektøri Marie Fleischer / MAFL

Suliassamik eqikkaaneq

Kommuneqarfik Sermersuumit 2020-mi decembarimi internetikkut sulisut

naammagisimaarinninnerannik misissuineq ingerlanneqarpoq. Kommunimi sulisut 1900-t akornanni apersorneqartut 61 %-it misissuineq naammassivaat

Suliffeqarfimmi sulisut akornanni amerlasuut suliffimmik nuannarisaqartut akissutinik misissuinerup takutippaa.

Suliaq Aningaasaqarnermut Inuussutissarsionermullu Ataatsimiititap 18. februar 2021-mi ataatsimiinnerani oqaluserineqarpoq, ataatsimiitillu ilisimatitsissut tusaatissatut tiguaa, Kommunalbestyrelsimullu ilisimatitsissutit ingerlateqqillugu.

Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Suliffimmi pitsaasumik avatangiiseqarnerup pitsaanerulersinneqarnissaa, kajumissusilinnik sulisoqarnissaq qulakkeerneqarnissaa kiisalu sulisunik attassiniarnissaq pingaartinneqarnerata annertusarneqarnissaa kissaatigineqarnera pillugu sulisut akornanni naammagisimaarinninnissamut misissuisoqarpoq.

Suliffimmi pitsaassutsimut, kiffartuussisarnermut, napparsimalluni sulinngiffeqartarnermut kiisalu sulisut taarseraattarnerannut tunngatillugu suliffeqarfimmik nuannarisaqarnermik kiisalu naammagisimaarinninnermik pitsaasumik kinguneqartartut misissuinerit takutippaat.

Suliffimmik nuannarisaqarnermut sunniuteqarsinnaasut pingaarnerit arfineq-marluk toqqammavigalugit misissuineq sularineqarpoq: inuit isumaat, qullersatut aqutsisut, aqutsisoq qaninneq, suleqatigiinneq, suliffimmi pissutsit, ineriartorneq ilikkagaqarsinnaanerlu.

Misissuinnermi assingusumi peqataasimasunit Kalaallit Nunaanni suliffeqarfinni 17-inut sanilliullugit kommunimi sulisut immikkoortuni tallimat qaffasinnerusumik nalilerpaat. Kommuneqarfik Sermersuumi sulisut Nunatsinni agguaqatigiissillugu kisitsisinut sanilliullugit immikkoortut marluinnaat pointimik ataatsimik appasinnerusumik nalilerpaat (sanilliussineq/Benchmark).

2016-imi naammagisimaarinninnermut misissuinnermut sanilliullugu nalilersuutigineqartuni tamani arfineq-marluusuni tamarmik siuariaateqarfiusimapput.

Misissuineq piffissami 24.11.2020 – 11.12.2020 akissuteqarfigineqarpoq. Misissuinnermit angusat 14. januaari 2021-mit takuneqarsinnaalerput. Misissuinnermi peqataasut tamarmik 1/9-2020 tikillugu aalajangersimasumik atorfeqartuupput kiisalu aalajangersimasumik taartaasartuupput.

2016-imi akissuteqartut procentiat tassaavoq 48 (1887-init akissuteqarsinnaasunit akissuteqartut 900-upput). 2020-mi akissuteqartut procentiat tassaavoq 61 (1905-init akissuteqarsinnaasunit akissuteqartut 1153-iupput).

Aaqqiissutissatut siunnersuut – suliatigut naliliineq

Sulisut taama amerlatigisut suliffimmi nuannarisimaarinninnermit misigisimanagerat eqqarsaatigalugu angusat assut nuannaajallannarput. Naak angusat kusanaraluaqisut immikkoortunik ilaqarpoq eqqumaffigineqarnerusariaqartunik. Taamaattumik immikkoortut taakku ineriartortinneqarnissaat immikkoortorta qarfinni pingaartinneqassapput. Tamanna ataatsimoorluni, aqutsisut sulisullu akornanni, ingerlanneqassaaq.

Aningaasatigut sulisoqarnikkullu naliliinerit

Suliaq aningaasatigut sulisutigulluunniit kinguneqanngilaq.

Inatsisitigut tunngavissaq allakkallu tunngaviusumik uppernarsaatitalit

Pingaaruteqanngilaq.

Ingerlariaqqinnissaq

2021-mi februaarimi marsimilu workshopertitsinerit internetikkullu isumasioqatigiissitsinerit aaqqiissuunneqarput, tassani aqutsisut tamarmik immikkoortuni angusat suliareneqaaqqinnissaannut isumassarsiassanik pissarsiaqarsinnaassapput. Immikkoortorta qarfinni aqutsisunit angusat immikkut saqqummiunneqassapput.

Naak angusat pitsaasuugaluartut ineriartorneq pitsaasoq qulakkeerneqassaaq nangingneqarlunilu.

Tamanna pillugu aqutsisunik ineriartortitsineq attaveqaaqatigiittarnerillu qitiusumit sulissutigineqassapput.

Immikkoortorta qarfinni aqutsisut/sulisut ataatsimoorlutik namminneq immikkoortunik pingaarutilinnik ineriartortikkusutaannik peqarsinnaavoq. Taassuminnga suliaqarneq marsimi/apriilimi aallartissaaq aasallu/ukiallu ingerlaneranut ingerlanneqarluni.

Aningaasaqarnermut Allatseqarfimmit oqaaseqaatit

Pingaaruteqanngilaq.

Innuttaasunik peqataatitsineq/attaveqaaqatigiinneq

Pingaaruteqanngilaq.

Ingerlatsivinnit allaniit oqaaseqaatigineqartut

Pingaaruteqanngilaq.

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaq 18. Februar 2021:

Inassuteqaat tusaatissatut tiguneqarpoq.

Ilanngussat

1. 2016-imit 2020-mut Kommuneqarfik Sermersuumi inernerit pingaarnerit kiisalu Kalaallit Nunaanni sanilliussineq (benchmark)

Punkt 03B: Atuarfik Hans Lyngemut nakkutilliiartornermit nalunaarusiaq

Beslutning

Peter Davidsen (S) suliamut attumavallaarnini nalunaarutigaa, ataatsimiinnerlu qimallugit.

Ilisimatitsissut tusaatissatut tiguneqarpoq.

Bilag

Atuarfik Hans Lyngemut nakkutilliiartornermit nalunaarusiaq

Atuarfik Hans Lyngemut nakkutilliiartornermit nalunaarusiaq

Ilisimatitsissut

J.nr.: EMN-2021-00021

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Suliassamik eqikkaaneq

Atuarfik pillugu Inatsisartut inatsisaat nr. 15, 3. decembari 2012-imeersoq § 43 naapertorlugu Kommunalbestyrelse ataavartumik atuariit ingerlanneqarnerannik nakkutilliiisussaataavoq.

Meeqqanut Atuarfeqarnermullu Ingerlatsivimmi Atuarfeqarnermut immikkoortortap kommunip atuariini ukiumut ataasiarluni nakkutilliiartortarnissaq siunniunnikuuaa.

Decembarip ulluisa pingajuanni 2020 Atuarfeqarnermut immikkoortortaq Atuarfik Hans Lyngemut nakkutilliiartorpoq.

Suliaq Meeqqanut Atuarfeqarnermullu Ataatsimiititami 03. februaari 2021-imi oqaluuserineqarpoq, ataatsimiititap ilisimatitsissut tusaatissatut tiguaa suliarlu Aningaasaqarnermut Inuussutissarsiornermullu Ataatsimiititamat aamma Kommunalbestyrelsimut ilisimatitsissutitut ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap 18. februar 2021-mi ataatsimiinnerani oqaluuserineqarpoq, ataatsimiititallu ilisimatitsissut tusaatissatut tiguaa, Kommunalbestyrelsimullu ilisimatitsissutitut ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Atuarfik Hans Lyngemi nakkutilliiartorsimanermit nalunaarusiaq tusaatissatut tiguneqassasoq

Suliassamik saqqummiussineq

Meeqqanut Atuarfeqarnermullu Ingerlatsivimmi Atuarfeqarnermut immikkoortortaq Atuarfik Hans Lyngemut nakkutilliiartorsimavoq. 495-inik atuartoqarpoq kiisalu atuartut tikeraartut marluullutik taakkualu 1. - 10. klassinut, klassinut 22-nut kiisalu special-klassimut ataatsimut, agguataarsimasuupput. Klassini nalinginnaasuni atuartut amerlassusii 22,04-nik amerlassuseqarput special-klassinilu 10-ullutik. Atuarfik ilinniartitsisunut aamma aqutsisunut tamakkiisumik sulisunut katillugit 45-nut inuttaqartinneqarpoq. Atuarfik atuariimmi pisortamik ataatsimik, pisortap tullianik ataatsimik kiisalu trinnini aqutsisunik 4-nik aqunneqarpoq. Taakkua saniatigut atuariimmi siulersuisoqarpoq.

Atuariimmut TEA Tabulex aamma sammisassanut pilersaarummi ulloq 1. oktobari 2020-mi nalunaarsorneqarpoq Trin 1-imi immikkut saniatigut immikkoortumi aqutsisumik pilersitsisoqarsimasoq, taakkulu immikkoortumi aqutsisoq alla peqatigalugu ukiumut akunnerit 99-it immikkoortumi aqutsinermik suliat isumagissavaat. Aqutsisunut Piffissaq suliffiususaaq pillugu isumaqatigiissut naapertorlugu atuariimmi immikkoortumi aqutsisut 12 pointillit imaluunniit taakku qaangerlugit minnerpaamik ukiumut akunnernik 198-inik immikkoortumi aqutsisutut atuuffinnik sulinissamut tunineqartussaapput.

Ingerlatsivik atuarfimmi aqutsisunut, Trin 1-imi ataasiinnarmik immikkoortumi aqutsisoqarsinnaanera, uparuarpa, qulaani piffissaq suliffissaq pillugu isumaqatigiissut naleqqiuguk. Atuarfik aqutsinermut saniatigut piffissamik kissaateqassaguni, taava tamanna Atuarfeqarnermut immikkoortortamut qinnuteqaatigissavaa, saniatigut trinimi aqutsisumik inissiisoqaannarsinnaangimmat ingerlatsivik akuersiseqqaarnagu.

Atuarfik pillugu Inatsisartut inatsisaat nr. 15, 3. decembari 2012-imeersoq malillugu ukiut sisamaanni atuartitsinermut piffissaq minnerpaaffilernerqarpoq akunnernut 890-inut, ukiullu tallimaanni akunnernut 920-nut, ukiut qulingiluaannut akunnernut 910-nut kiisalu ukiut qulingannut akunnernut 920-nut. Tamanna pillugu Meeqqanut Atuarfeqarnermullu Ingerlatsiviup atuarfimmut ilisimatitsissutigissavaa, piffissaq atuartitsiviusimasoq minnerpaamik atuartitsivissatut ilinniartitsisimaneq minnerpaaq malillugu taanna pilersarusiortussaammat, naleqqiuguk inatsit, tamanna ukiumi atuartitsiviusumi 2019/20-mi malinneqarsimangilaq. Tamanna taakkunani ukioqatigiikkuutaani fagini nalinginnaasunit allaanerusumik ilinniartitsinerit qimerluualaarnerisigut qulakkeerneqarsinnaavoq kiisalu ukioqatigiikkuutaat sapaatip-akunnerani ilinniartitsiffigineqarnerisa ingerlaavartumik malinnaaffiginerisigut. Ukiumi aggersumi atuarfimmi aqutsisunit ukiumut najoqqutarineqartup taassuma malinneqarnissaa qulakkeerneqassaaq, aamma 1. oktobari 2021-mi nalunaaruteqarnermi tamanna Atuarfeqarnermut immikkoortortamit malitseqartinneqassaaq.

Piffissami matumani atuartut atuangitsoortarnerannut atatillugu ilitersuuteqanngilaq, tamannali atuarfimmi aqutsisunit eqqumaffigineqarpoq ilinniartitsisullu suleqatigalugit suliarineqarnissaa innersuussutigineqarpoq. Iltersuut taanna kingusinnerpaamik 1. aprili 2021-mi ingerlatsivimmut nassiunneqassaaq.

Atuarfimmi aqutsisunit atuarfimmi siunnersortit aamma atuarfimmi ilinniartitsisut akornanni annertunerusumik suleqatigiittoqarnissaa aallarnisarneqarpoq, atuarfimmi atuartut ilaasa nalunaarutigineqartarneranni isumaginninnermi siunnersortit suliani annerusumik atorineqartarnissaat siunertaralugu. Isumaginninnermi siunnersortit taamaalillutik suliatit pillugit ukiumut nalunaarusiami/naliliinnermi atuarfimmi suliat allaaserineqarneri suliarisassavaat.

Massakkut atuarfik elevr dimut attaveqaatissamik amigaateqarpoq, tamanna elevr dimi suli ataatsimiittoqannginneranik kingunekarpoq. Taamaattumik tassunga inummik inunnilluunniit marlunnik attaveqaataasunik piaartumik nassaartoqarnissaa tikkuarneqarpoq, elevr dimi ataatsimiinnerit aallarteqqinneqarniassammata. Inuit taakkua marluk elevr dimut attaveqaataasut sulinissaannut pilersaarut ingerlatsivimmut januaari naanerani 2021-mi nassiunneqassaaq.

Ukiumi atuarfiusumi 2020/21-mi ilinniartitsisunik pisariaqartitsinermik misissueqqissaarnermut tunngatillugu nalunaarutigineqartunit ersersinneqarpoq, atuarfiup akunnerit atugassat tunniunneqartut malillugillu eqqortumik atorsimagai. Taamaattorli atuarfimmi aqutsisunit eqqumaffigineqassaaq, ilinniartitsisunik pisariaqartitsineq pillugu misissueqqissaarnermi arfernganni saniatigut akunnerit 7.300-t tunniunneqarsimaneri, tamanna ilinniartitsisunik saniatigut 3-t missaat naligivai, peqatigitillugulu akunnerit sinneruttut tunniunneqartut aamma atorineqarsimapput.

Aaqqiissutissatut siunnersuut – suliatigut naliliineq

Atuarfeqarnermut immikkoortortap nalilerpa, atuarfik Atuarfik pillugu Inatsisartut inatsisaat nr. 15, 3. december 2012-meersoq naapertorlugu ingerlanneqartoq, atuartullu inatsimmi piumasaqaatit naapertorlugit atuartinneqartut.

Nakkutillineq tunngavigalugu atuarfik ingerlalluartut paasinarpoq, ilinniartitsisut ilinniarsimasut 100 %-iullutik. Ulluinnarni atuarfiup aqqunneqarnera aaqqiissuussaavoq atuarfimmilu siulersuisut ingerlapput, meeqqat pitsaanerpaamik atuarnerminnik ingerlanissaannik sulissuteqartunik.

Trinnikkuutaani inernerit nuna tamakkerlugu agguaqatigiissitsineq eqqarsaatigalugu inissimalluarpoq, taamaattorli kalaallisut allattariarsorneq aamma matematik pinnagit, tamannalu atuariup pitsaanerulersinneqarnissaa qitiutillugu sulissutigissavaa. Peqatigitillugu meeqqat atuarianni soraarummeertussat nuna tamakkerlugu agguaqatigiissitsinermi angusamikkut inissimalluarput, kalaallisoorneq eqqaassanngikkaanni. Taamaattumik atuariimmi aqutsisunit ilinniartitsisut linjefagillit taakkualu atorneqarnissaat annerusumik aallukkusunneqarput.

Atuariimmi aqutsisunit aamma atuariimmi siulersuisunit atuariup allilernerneqarnissaanik pilersaarutit ujarborneqarput, atuarifik 1.-7. klassinut atuarifassanngorlugu sanaajummat, atuariimmilu klassit tamarmik minnerpaamik marloqiusatut ingerlapput ukioqatigiikkuutaat pingasuullutik klassinut pingasunut agguataakkat. Taamaattumik atuariqatigiiaat piffissap ingerlanerani angajullernut nuukkiartuaarnerat ilutigalugu atuartut inissaannik nassaarunnissaat ajornakusoorsiertarpoq. Tassunga atatillugu ilinniartitsisut ilaannit oqaatigineqartarpoq klassimi atuartut amerlavallaartut pissutigalugit nungullartarlutik, pisuni amerlasuuni klassimi ataatsimi atuartut 26-t angullugit amerlassuseqalartarmata. Klassini atuartut amerlavallaartarneri aamma nassuiaataasinnaavoq ilinniartitsisut ukiuni kingullerni nikerarnerannut, ilinniartitsisut allanut qinnuteqartarlutik.

Aningaasatigut sulisoqarnikkullu naliliinerit

Aningaasaqarnikkut sulisoqarnikkullu naliliisoqanngilaq.

Inatsisitigut tunngavissaq allakkallu tunngaviusumik uppersaasatitallit

- Atuarifik pillugu Inatsisartut inatsisaat nr. 15, 3. december 2012-imeersoq
- Atuariimmi naliliisarneq uppersaasiortarnerlu pillugit Namminersornerullutik Oqartussat nalunaarutaat nr. 2, 9. januar 2009-meersoq
- Atuarifik Hans Lyngemut nakkutilliertarnermit nalunaarussiaq

Ingerlariaqqinnissaq

Meeqqanut Atuarfeqarnermullu Ingerlatsiviup anguniarpaa, ukiumut ataasiarluni atuariinnut nakkutilliertortoqartassasoq.

Tulliani Atuarifik Hans Lyngemut nakkutilliffiartorlugu 2021-mi ukiukkut pulaarneqassaaq.

Tassunga atatillugu atuariup inatsit malillugu akunnerit minnerpaaffissaat qanoq pilersaarusiortarneraa ingerlatsivimmit malinnaaffigineqassaaq.

Aningaasaqarnermut Allatseqarfimmit oqaaseqaatit

Pingaarteqanngilaq.

Innuttaasunik peqataatitsineq/attaveqatigiinneq

Soqanngilaq.

Ingerlatsivinnit allaniit oqaaseqaatigineqartut

Soqanngilaq.

Siusinnerusukkat aalajangerit

Meeqqanut Atuarfeqarnermullu Ataatsimiititaq 3. februaarip 2021:

Ilisimatitsissut tusaatissatut tiguneqarpoq.

Aningaasaqarnermut Inuussutissarsiornermullu Ataatsimiititaq 18. Februar 2021:

Peter Davidsen (S) suliamut attuumavallaarnerarluni nalunaarpoq, inilu qimallugu.

Inassuteqaat akuersissutigineqarpoq.

Ilanngussat

1. Atuarfik Hans Lyngemut nakkutilliarternemit nalunaarusiaq

Punkt 03C: Ittoqqortoormiit pillugu tamakiisumik pilersaarutissatut siunnersuut

Beslutning

Ilisimatitsissut tusaatissatut tiguneqarpoq.

Bilag

Ittoqqortoormiit pillugu tamakkiisumik pilersaarut

Ittoqqortoormiit pillugu tamakkiisumik pilersaarutissatut siunnersuut

Ilisimatitsissut

J.nr.: ANL-2020-00024

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Pilersaarusiornermi periusissaq P18, kommunimut pilersaarut Sermersooq2028, politikikkukut akuersissutigineqartoq toqqammavigalugu Tasiilaq pillugu tamakkiisumik pilersaarusiariqarpoq. Ittoqqortoormiini ineriartornermut qulequttamik akuersissuteqartoqanngilaq, kisianni Kommunimut pilersaarut allassimavoq illoqarfiup *ineriartornissamut periarfissai nunaqqatigiillu imminnut napatissinnaaner*at misissorneqassasut.

Aalajangersimasumik suliniutini pilersaarutip siunnersuutigaa, ilaatigut Ejnar Mikkelsenip eqqaassutissaata eqqaatigut appakkaaffissat uninngaarfissallu pitsaanerusut, illoqarfimmi issiaviit amerlanerit pingaartumillu pisuinnarnut angalaffissat pitsaanerusut pilersinneqassasut.

Suliaq Sanarfinermut Avatangiisinullu Ataatsimiititap februaarip ulluisa 15-iani 2021-mi ataatsimiinnerani oqaluuserineqarpoq, Ataatsimiititamiillu "Ittoqqortoormiit pillugu tamakkiisumik pilersaarutissatut siunnersuut" akuersissutigineqarpoq suliarlu Aningaasaqarnermut Inuussutissarsiornermullu Ataatsimiititamut tamanut tusarniaassutigineqarnissaa siunertaralugu akuersissanngorlugu ingerlateqqinneqarpoq kiisalu Kommunalbestyrelsimut ilisimatitsissutigisassanngorlugu ingerlateqqinneqarluni.

Suliaq Aningaasaqarnermut Inuussutissarsiornermullu Ataatsimiititap ulloq 18. februari 2021-mi ataatsimiinnerani oqaluuserineqarpoq, ataatsimiititalu Ittoqqortoormiit pillugu tamakkiisumik pilersaarutissatut siunnersuutip tamanut tusarniaassutigineqarnissaa siunertaralugu akuersissutigaa, suliarlu Kommunalbestyrelsimut ilisimatitsissutitut ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Pilersaarusiornermi periusissaq P18, kommunimut pilersaarut Sermersooq2028, politikikkukut akuersissutigineqartoq toqqammavigalugu Tasiilaq pillugu tamakkiisumik pilersaarusiariqarpoq. Ittoqqortoormiini ineriartornermut qulequttamik akuersissuteqartoqanngilaq, kisianni Kommunimut pilersaarut allassimavoq illoqarfiup *ineriartornissamut periarfissai nunaqqatigiillu imminnut napatissinnaaner*at misissorneqassasut.

Inuuneq pitsaasoq ajunngitsumik tunngaveqartinniarlugit illoqarfimmi pitsaaqutinut pioreersunut nukittorsaaqataassalluni tamakkiisumik pilersaarutip siunertaraa. Illoqarfimmi katersuuttarfiit pioreersut tapersernissaat pilersaarummi anguniagaavoq. Ittoqqortoormiit najoruminartuujuarnissaanut pitsanngorsaavigineqarlutillu nutarterneqassapput.

Ittoqqortoormiinum tunngatillugu siunissami aningaasaqarnikkut pilersaarusiornermut atatillugu tamakkiisumik pilersaarut Najukkami Ataatsimiititaliamit kommunalbestyrelsimillu sakkussavaoq isumassarsiorfissaallunilu.

Aaqqiissutissatut siunnersuut – suliatigut naliliineq

Tamakkiisumik pilersaarummi suliniutinik maannakkut aallartinneqarsinnaasunik piffissallu ingerlanerani illoqarfimmi immikkoortuni ineriartuuteqarfiusinnaasunik siunnersuutinik imaqartoq ingerlatsivimmit nalilerneqarpoq. Taamaalilluni tamakkiisumik pilersaarummi aningaasaqarnikkut pissutsinik periarfissanillu assigiinngitsunik nikisititerisoqarnissaanik naleqqussaaneermik imaqarpoq.

Aalajangersimasumik suliniutini ilaatigut pilersaarutip siunnersuutigaa, Ejnar Mikkelsenip eqqaassutissaata eqqaatigut pissutsit pitsaaneerusut pilersinneqassasut Qinnгааivanilu neriffiusinnaasunik pingaartumillu pisuinnarnut appakaaffissanik pilersitsisoqassasoq taamaalilluni illoqarfimmi angalaneq ajornannginnerulissammat. Taassuma saniatigut annikitsut arlallit issivinnik pilersitsinermit qimmilivinnut erngup aqputaanik pilersitsinermit siunnersuutigineqarput.

Aningaasatigut sulisoqarnikkullu naliliinerit

Tamakkiisumik pilersaarut aningaasaqarnikkut sulisoqarnikkullu sunniuteqartitsissanngilaq, Ittoqqortoormiini iluarsartuussinissamut pitsanngorsaanissamullu aningaasaliisoqartariaqarneranik taakkartuiffiulluni.

Inatsisitigut tunngavissaq allakkallu tunngaviusumik uppersaatitallit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq
- Kommunitut pilersaarut digitaliusoq www.sermersooq2028.gl

Ingerlariaqqinnissaq

Siunnersuut sapaatip-akunnerini pingasuni tamanut tusarniaassutigineqassaaq, tamannalu Ittoqqortoormiini allagarsiuussinikkut kiisalu kommunip tusarniaanermut nittartartagaatigut saqqummiunneqassaaq.

Aningaasaqarnermut Allatseqarfimmit oqaaseqaatit

2021-mut missingersuutitut isumaqatigiisummi Ittoqqortoormiini tamakkiisumik pilersaarusiortoqarnissaanik kissaateqartoqaqqammersoq oqaaseqaatigineqarpoq. Tamakkiisumik pilersaarusiorneq 2021-p ingerlanerani pissaaq, tamakkiisumillu pilersaarusiorneq aningaasat Pilersaarusiorneq Oqartussaqaarfiup missingersuutaanit pissarsiarineqassapput.

Ittoqqortoormiinit tamakkiisumik pilersaarut naammassippat sanaartornermut immikkoortortaqarfimmit Ittoqqortoormiini Najukkami Ataatsimiititaliamut suliniutissanik pilersaarusiorneq missingersuusiornequllu ikiuuttoqassaaq.

Innuttaasunik peqataatsineq/attaveqaatigiinneq

Ittoqqortoormiini Najukkami Ataatsimiititaliaq suleqatigalugu tamakkiisumik pilersaarut suliarineqarpoq, innuttaasunik ataatsimiititsinermilu qulequttanik pissarsiarineqartunik imaqarluni. Pilersaarut najukkami ataatsimiititaliamut tamanut tusarniaanermut atatillugu toqqaannartumik nassiunneqassaaq.

Ingerlatsivinnit allaniit oqaaseqaatigineqartut

Oqaaseqaateqartitsisoqanngilaq.

Siusinnerusukkat aalajangerit

Sanarfinermut Avatangiisinullu Ataatsimiititaq 15. februaari 2021:

Inassuteqaat akuersissutigineqarpoq.

Aningaasaqarnermut Inuussutissarsiornequllu Ataatsimiititaq 18. februaari 2021:

Inassuteqaat akuersissutigineqarpoq.

Ilangussat

1. Ittoqqortoormiit pillugu tamakkiisumik pilersaarut

Punkt 4: Aalajangiiffigisassat

Punkt 04A: Politikkikkut suliarineqartussamik innuttaasut siunnersuuteqarsinnaanerannut periarfissaqartitsineq

Beslutning

Inassuteqaat akuersissutigineqarpoq.

Politikkikkut suliarineqartussamik innuttaasut siunnersuuteqarsinnaanerannut periarfissaqartitsineq

Aalajangiiffigisassaq

J.nr.: 00.01

Suliffeqarfimmut Kiffartuussivik - Kommunaldirektøri Lars Møller-Sørensen / LMS

Suliassamik eqikkaaneq

Kommuneqarfik Sermersuumi politikikkut suliarineqartussamik innuttaasut siunnersuuteqarnissamut periarfissinneqarnissaat siunnersuutigineqarpoq.

Suliaq Aningaasaqarnermut Inuussutissarsionermullu Ataatsimiititap ulloq 18. februari 2021-mi ataatsimiinnerani oqaluuserineqarpoq, ataatsimiititalu inassuteqaat akuersissutigaa, suliarlu Kommunalbestyrelsimut akuersissutigisassanngorlugu ingerlateqqillugu.

Inassuteqaat

Aningaasaqarnermut Inuussutissarsionermullu Ataatsimiititap Kommunalbetyrelsimut inassuteqaatigaa:

- innuttaasut kommuneqarfiga.gl aqqutigalugu siunnersuuteqarsinnaanerak akuerineqassasoq
- siunnersuut ataatsimiititami susassaqtumi suliarineqarsinnaassasoq, innuttaasut 250-t ullut 90-it iluanni tapersersuisimassappata

Suliassamik saqqummiussineq

Kommuneqarfik Sermersuup 2020-mi juunip ulluisa qulingiluaanni innuttaasunik peqataatitsinermit periusissiaq akuersissutigaa. Kommunalbestyrelsimi politikikkut aalajangiussani innuttaasut peqataatinneqarnissaannik qulakkeerinnittussanik ingerlaavartumik suliniutinik nutaanik ineriartortitsisoqarnissaannik periusissiaq periarfissiivoq. Taamaattumik ataatsimiititami attuumassuteqartumi suliarineqartussamik innuttaasut siunnersuuteqarsinnaanissaannik Kommunalbestyrelse periarfissiissasoq siunnersuutigineqarpoq.

Nalinginnaasumik innuttaasut innuttaasunik peqataatitsinermit nittartakkami kommuneqarfiga.gl-imi siunnersuuteqarsinnaatitaapput innuttaasullu allat siunnersuut tapersersinnaallugu. Siunnersuutit ullut 90-it qaangiutsinnagit innuttaasunik 250-inik taperserneqartut ataatsimiititami attuumassuteqartumi suliarineqartussanngorlugit nassiunneqassapput.

Innuttaasut internetimut attaveqaaateqanngitsut siunnersuummik tapersiinnissamut siunnersuuteqarnissamulluunniit immersugassaq atugassaat suliarineqarumaarpoq. Immersugassaq najugaqarfinni tamani aaneqarsinnaavoq tunniunneqarsinnaallunilu. Massakkuugallartoq kommuneqarfiga.gl atuisut tamarmik Kommuneqarfik Sermersuumi innuttaasuunersut qulakkeerneqarsinnaanngimmat maluginiaqquneqarpoq. Isumannaatsumik isersinnaanerup (login), soorlu Nem-id atorlugu, arlallit nittartakkamik peqataatitsiffiusumik atuisinnaanerak killilissagaa, akerlianik nalilerneqarpoq.

Aaqqiissutissaq 2018-imi danskit folketinngianni aaqqiissutigineqartumit isumassarsiarineqarpoq. Aaqqiissummi tassani innuttaasut taasisinnaasut tamarmik siunnersuuteqarsinnaapput ullullu 180-it qaangiutsinnagit innuttaasut 50.000-it taperserpassuk siunnersuut qaqqinneqassaaq.

Aaqqiissutissatut siunnersuut – suliatigut naliliineq

Nunanit soorlu Danmarkimi USAmilu ukiorpassuarni innuttaasunik siunnersuuteqartitsinermik periarfissaqartitsisartuni misilittagaapput siunnersuutit qaqutigut inatsisiliortunit akuersissutigineqarlutik, sammisanilu akuttunngitsumik oqallinnermik pilersitsisarlutik.

Aningaasatigut sulisoqarnikkullu naliliinerit

Aaqqiissutissamut atatillugu aningaasartuuteqartoqanngilaq.

Inatsisitigut tunngavissaq allakkallu tunngaviusumik uppersaatitallit

- Innuttaasunik peqataatitsinermi periusissiaq

Ingerlariaqqinnissaq

Suliaq inaarutaasumik akuersissutigisassanngorlugu Kommunalbestyrelsimut ingerlateqqinneqassaaq, tamatuma kingorna Kommuneqafiga.gl aqqutigalugu innuttaasut siunnersuuteqarsinnaanerit periarfissinneqassalluni.

Aningaasaqarnermut Allatseqarfimmit oqaaseqaatit

Attuumassuteqanngilaq .

Innuttaasunik peqataatitsineq/attaveqaqatigiinneq

Innuttaasut sunniuteqarsinnaanerisa annertusineqarsinnaaneranut attuumassuteqanngitsutut isumaqargigineqarpoq.

Ingerlatsivinnit allaniit oqaaseqaatigineqartut

Soqanngilaq.

Siusinnerusukkut aalajangerit

Aningaasaqarnermut Inuussutissarsiornermullu Ataatsimiititaq 18. februaari 2021:

Inassuteqaat akuersissutigineqarpoq.

Ilanngussat

Soqanngilaq.

Punkt 04B: Ittoqqortoormiini atuarfimmi 8.-10. klassit atuutilerseqqinnissaat

Beslutning

Inassuteqaat akuersissutigineqarpoq.

Bilag

Angajoqqaat saaffiginnissutaat

Ittoqqortoormiini atuarfimmi 8.-10. klassit atuutilerseqqinnissaat

Aalajangiiffigisassaq

J.nr.: EMN-2020-31183

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Suliassamik eqikkaaneq

Kommuneqarfik Sermersuumi atuartut angerlarsimaffiini misissuineranut atatillugu Meeqqanut Atuarfeqarnermullu Ingerlatsivik atuartut Ittoqqortoormiineersut Nuummi atuartut angerlarsimaffiini 8.-10. klasse naammassisinnaanerannut aaqqissuussaaneq nalinginnaasumik nalilersuiffigissavaat.

Ittoqqortoormiini ilinniartitsisoqarnerup allannguuteqarnera aalakkaanerulernerat kiisalu suliatigut aningaasaqarnikkullu pissutsit pissutigalugu naliliiffigineqassaaq siunissami illoqarfimmi 8.-10. klasseqarneq atuutilersinneqaaqqissanersoq. Ittoqqortoormiini atuarfimmi aqutsisup tamanna naliliineq taperserpaa peqatigitillugu angajoqqaat Ittoqqortoormiini 8.-10. klassit atuutiqqinnissaat oqaatigaa.

Taamaattumik innersuussutigineqarpoq maannakkut Ittoqqortoormiini atuartut Nuummi atuarnertik naammassissagaat, Ittoqqortoormiinilu 2021/2022-mi 8. klassinngortussanut, 2022/2023-mi 9. klassinngortussanut 2023/2024-mi 10. klassinngortussanullu atuutilersinneqassasoq. Atuartumit Nuummi ullumikkutut atuarneq imaluunniit atuarnemi ukiut kingulliit naammasserusunneqassappata neqeroortigineqaannassaaq.

Suliaq Meeqqanut Atuarfeqarnermullu Ataatsimiititap ulloq 03. februaari 2021-mi ataatsimiinnerani oqaluuserineqarpoq, ataatsimiititalu Ittoqqortoormiini 8.-10. klassit atuutilerseqqinnissaat akuersissutigaa suliarlu akuersissutigisassanngorlugu Aningaasaqarnermut Inuussutissarsiornermullu Ataatsimiititap kiisalu Kommunalbestyrelsimut inaarutaasumik akuersissutigisassanngorlugu ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap ulloq 18. februaari 2021-mi ataatsimiinnerani oqaluuserineqarpoq, ataatsimiititalu inassuteqaat akuersissutigaa suliarlu Kommunalbestyrelsimut akuersissutigisassanngorlugu ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbetyrelsimut inassuteqaatigaa:

- Ittoqqortoormiini 8.-10. klassit atuutilerseqqinnissaat akuersissutigineqassasoq

Suliassamik saqqummiussineq

2014-imi aalajangerneqarpoq Ittoqqortoormiini atuartut misiliummik Nuummumut 9. aamma 10. klasseriartassasut. Peqatigitillugu 8. klassit Nuummi atuarfimmi 8. klasserusunnerlutik namminnek kajumissusertik aallaavigissavaat.

Taamanikkut atuartunik Nuummukartitsinissaq aaqqissuunneqarneranut pissutaavoq taamanikkut Ittoqqortoormiini atuarfimmi ilinniartitsisoqarniarneq aalakkaasuunngimmat atuartut soraarummeertussat taamaalillutik atuagarsornikkut angusaasa qaffasissusaat annikillutik. Aalakkaasunik ilinniartitsisussaqaannginnermut pissutaavoq annermik illoqarfinni minnerni nunaqarfinnilu angajullerni atuartitsisinnaasunik ilinniartitsisussarsiorarneq ajornakusoorat. Atuartunik Nuummukartitsinikkut neriuutigineqarsimavoq atuartut pitsaanagerusumik atuartinneqassasut taamaalillutik soraarummeernerminni pitsaanagerusunik angusaqassallutik.

Ullumikkullu Ittoqqortoormiini pissutsit allaapput illoqarfimmi ilinniartitsisoqarniarneq allanngorluinnarsimammat. Ilaatigut illoqarfiup atuarfiani Ejner Mikkelsenila Aluarpiani nutaanik pingasunik ilinniartitsisoqalerpoq atuarfimmi ilinniartitsisup marloriaatinngupajaarlutik. Peqatigitillugu illoqarfimmi taartaarsartut arlallit sumiiffimmi najugarisarlutik qimannagu ilinniartitsisunngorniarnaq aqputigalugu ilinniartissamaarneqarput.

Ittoqqortoormiini pitsaasumik ineriartornermut ilanngullugu atuartunik angajullernik Nuummukartitsisarnermut peqatigitillugu atuartut inuttut atugarissaarnerannut ineriartornerannullu tunngatillugu misilittagarineqalerpoq maannakkut aqqissuussaarnemut atatillugu pissusissamisoortoqanngitsoq.

Ilaatigut angajullerni atuartunut tamanut annermik 8. klassit aallarniarlutik aalajangersimasut inuusuttuaraasarmata siusissukkut ilaqquttaminnik avatangiisiminillu toqqissisimanarisaminnik sungiusimasaminnillu qimatsisariaqarsimasut taamaallitutik angerlarsilerlutik atuartullu ilai inuttut akuujunnaartarlutik atuarumajunnaartarlutillu.

2015-imiillu atuartut Ittoqqortoormiineersut 45-t Nuummi atuarsimapput atuartullu angerlarsimaffianni najugaqarsimallutik. Taakkunani atuartuni 45-ni arfinillit 2015-imit assigiinngitsunik pissuteqartumik piffissaq sioqqullugu angerlartinneqarsimapput tamanna Ittoqqortoormiineersut atuartut uniinnartartut 13,3 %-erivaa.

Meeqqanut Atuarfeqarnermullu Ingerlatsiviup atuartut Ittoqqortoormiinangaaneersut suliatigut pitsannorsarnissaannut pingaarnertut anguniagaq siunertaralugu aaqqiissut nalilerniarlugu, Ittoqqortoormiini atuartunit 2008-mit 2020-mut suliatigut inernerisaat misissorlugit misilissimavaa, ilisimariikkatut aaqqiissut taanna 2014-imi atuutilerpoq.. Naliliinermili uani paasissutissat tunngaviusut annikipput nalorninarlutillu, taamaattumik aaqqiissummi anguniagaq naammassineqarsimanersoq paatsuugassaannngitsumik oqaatigiuminaappoq.

Meeqqanut Atuarfeqarnermullu Ingerlatsivik aaqqiissummik utaqqiisaasumik naliliissappat, faagini kalaallisut, matematik, tuluttut, danskisullu 10. klassinut allattariarsornermi oqaluttariarsornermilu ukiumut angusat (årskarakterer) kiisalu allattariarsornermi oqaluttariarsornermilu misilitsinnermi angusat katitikkat ukiumiit ukiumut agguaqatigiissillugit suliatigut ataatsimut pitsanngoriaateqarsimanermik ajorseriarsimanermilluunniit takutitsinnaanngillat.

10. klassit faagini ataasiakkaani ukiumut misilitsinnermi angusaannut tunngatillugu kalaallisut allattariarsornermi oqaluttariarsornermilu kiisalu tuluttut allattariarsornermi oqaluttariarsornermi ukiumiit ukiumut suliatigut inernerisaat agguaqatigiissillugit qaffassimasut oqaatigineqarsinnaavoq. Akerliatigut danskisut allattariarsornermi oqaluttariarsornermilu kiisalu matematikkimi ukiumut angusat ukiumiit ukiumut agguaqatigiissillugit appariarsimarpasipput.

10. klassimi misilitsinnermi angusani ataasiakkaani ukiumiit ukiumut kalaallisut allattariarsornermi piginnaasassanillu misilitsinnermi inernerit qaffariarsimarpasipput. Taamatuttaaq matematikkimi allattariarsornermi misilitsinnermi inernerit agguaqatigiissillugit allanngoriaateqarsimarpasinngikkaluartut matematikkimi piginnaasatigut misilitsinnermi inernerit qaffariarsimapput. Naggasiullugu tuluttut danskisullu allattariarsornermi misilitsinnermi inernerit piginnaasatigullu misilitsinnermi inernerit appariarsimasinnaapput.

Tassungu ilanngullugu 2020-mi Kalaallit Nunaanni atuartut angerlarsimaffii pillugit nalunaarut tusarniaassutigineqarpoq tunngavigineqarluni 8. klassit atuartut angerlarsimaffiiniitineqassanngitsut taamaallaat 9. aamma 10. klassit illoqarfimminni nunaqarfimminnilu atuartinneqarsinnaanngitsut. Nalunaarut 2021-mi atuutsinneqalissasoq naatsorsuutigineqarpoq.

Aaqqiissutissatut siunnersuut – suliatigut naliliineq

Ittoqqortoormiini atuarfik ininik atuartitsiviusunik naleqquttunik angajullernut atuartitsivigineqarsinnaasunik peqartoq nalilerneqarpoq. Sulisunik ilinniarluarsimasunik atuartitsinermi kivitseqataasussanik peqarnissaq qulakkeerniarlugu pisariaqarsinnaavoq ataatsimik arlalinnilluunniit angajullernik ilinniartitsisinnaasunik atorfinitsitsinissaq.

Siusinnerusukkut atuarfik Majoriarlu ilinniartitsisut ataatsimoorussamik atorfeqartinneqarnerat pillugu suleqatigeereernikuupput. Taamaattumik ilinniartitsisussaaleqisinnaanerup matussuserneqarnissaa aaqinneqarsinnaavoq ataatsimoorussanik ilinniaritsisunik atorfeqartitsinerup atuutseqqinneqarneratigut. Taamatut aaqiineq atuarfimmu inuusuttunullu ilinnaqperusuttunut iluaqutaasinnaavoq.

Ilinniartitsisut nutaat ilinniartitsisullu atuarfimmi atorfeqareersut angajullernik atuartitsinerup atuutseqqilernerani ilaatigut misilitsinnermi censoriusussatut allanilu pikkorissarnerni naleqquttuni pikkorissartinneqassapput soraarummeertitsisinnaalertinniarlugit.

Ilanngullugu pinngortitalerinermi atuartinneqartussat ukiumut pingasoriarluni ilinniartitsisut angalasartunik atuinikkut fysikimi kemimi naturgeografimilu nukittorsarneqassapput tamatigut sapaatip akunneranik sivissusilimmik. Taanna ilinniartitsisoq angalasartoq ilinniakkani atorlugu atuarfimmi ilinniartitsisut allat pinngortitalerinermi atuartitsinissaannik piginnaasaqalertissavai.

Peqatigitillugu avataanit atuartitsinermi suliniutip ineriartornerata misissorneqarnissaa periarfissaavoq.

Maannakkut atuartut Ittoqqortoormiineersut Nuummiittut amerlassusaat

Ukiup atuarfiusup 2020/2021-p aallartinnerani atuartut 14-it Nuummi atuartut angerlarsimaffianni Kisermaami allaqqapput. 2020-mi decembarip naanerani atuartut angerlarsimaffianni atuartut 12-t allaqqapput atuartullu atuarnerup aallartinnerani assigiinngitsunik peqquteqartumik atuartut angerlarsimaffiannit anisimapput.

9. klassimi atuartut arfineq pingasut 10. klassimi atuartut sisamanut agguataarneqarneri. Maannakkut atuartut 8. klassertaqanngillat atuartut marluk ukioq atuarfiusoq 2018/2019 aamma 2019/2020 aallartittut eqqaassanngikkaanni.

Ittoqqortoormiini atuartut amerlassusaat

Maannakkut Ittoqqortuumiit atuarfianni 9. klassimi atuartut katillugit 56-pput Akullerni atuartunut (4.,5.,6. aamma 7. klassit) siunissami qaninnermi angajullernut nuuttussat katillugit 26-pput atuartunut aqqanilinnut agguartaakkat 4. klasse ataaseq, 5. klassit tallimat, 6. klassit tallimat 7. klassillu pingasut.

Maannakkut 8. klassimi atuartut atuarfimmi 8. klassimi atuartinneqarusullutik toqqaasimasut sisamaapput.

Ittoqqortoormiini atuartut amerlassusaasa annermik maannakkut 4. klassit aqqaniliusut 5. klassillu arfineq marluusut naapertorlugit ilimagineqarsinnaavoq ukiuni atuarfiusuni 2023/2024-mit 2027/2028-p tungaanut Ittoqqortoormiini atuartut siunissami Nuummi atuartuusussat amerlaqatigilissagaat, Nuummut atuariartortitsisarnerni aaqqissuussinerup atuutsiinnarnissaa toqqaarneqassappat.

Maannamiit decembarip naaneranut Nuummi atuartut angerlarsimaffianni allatsissimasut 23-pput taakkunani 12-t Ittoqqortoormiineersuullutik, matumani taakkua 52 %-tiullutik. Maannakkut aaqqissuussinerup atuutsiinnarneqarnissaa toqqaraanni ukiumi atuarfiusumi 2026/2027-mi atuartut 18-it Ittoqqortoormiineersut Nuummi atuartut angerlarsimaffianniissapput ullumikkornit arfinilinnik

amerlanerullutik. Ittoqqortoormiini atuartut akulliit Arsummi, Qeqertarsuatsiaani Kapisilinnilu atuarfennut aamma Nuummi atuartuuteqartartunut sanilliukkaanni akullerni atuartut atuarfinni pingasuni atuartunut maani atuartut katillugit 15-it amerlassuseqarput.

Taamaattumik Ittoqqortoormiini atuartut angajulliit atuutileqqissappata Ittoqqortoormiini atuartut amerlanerit illoqarfisaminni 9. aamma 10. klassissallutik toqqassappassuk Nuummi atuartut angerlarsimaffianni atuartut ikileriarnissaat kingunerissavaa.

Taamaattumik kikkut Nuummi atuartut angerlarsimaffianni inissamik neqeroorfigineqassanersut naliiiffigineqassaaq. Tamanna ass. Paamiuni Tasiilamilu atuartunut imaluunniit illoqarfiit taakkua nunaqarfiini atuartunut neqeroorutaasinnaalissaaq.

Aningaasatigut sulisoqarnikkullu naliliinerit

Ittoqqortoormiini atuartut angajulliit atuartinneqarnerisa atulerteqqinneratigut piffissap ingerlanerani Nuummit Nuummut ukiumut marloriarlutik aasaanerani juullikkunnilu atuangiffeqarnermut atatillugu atuartut angalasarnerinut atatillugu sipaaruteqartoqalissaaq. Atuartut Ittoqqortoormiini 9. aamma 10. klassi ingerlatissallugu aalajangiissappata taamaattoqassaaq. 2019-imi Nuummut atuartut angerlarsimaffiannut angalanermi aningaasartuutigineqartut katillugit 826.760 koruuniupput, 2020-milu katillugit 620.193 koruuniullutik.

Ittoqqortoormiini Ejnar Mikkelsenila Aluarpiata aaqqissuussaanerata allangortinneranut atatillugu 2013-imi missingersuutinut katillugit 2.200.000 koruunit iluarsaassinissamut atuartullu angerlarsimaffitoqaannut B-1422-mut Ittoqqortoormiini atuartut inissaannik ingerlatsinermut aningaasaliissutigineqarput. Ukiumi missingersuusiorfiusumi 2014-imi ingerlatsinermuinnaq 1.100.000 koruunit aningaasaliissutigineqarput. Kingusinnerusukkut atuartut angalanissaannut 500.000 koruuninik aningaasaliisoqaqqippoq. inissat allamut atorneqarsinnaanissaannut ilimagineqartut eqqaassanngikkaanni 2024-mi 1.600.000 koruunit katillugit sipaarutigineqarsinnaapput. Taamanikkornissaanut ukiumi missingersuusiorfiusoq 2021 aallartiffigalugu sipaarutissat ataani takussutissami agguataarneqarput.

Ukiuni 2021-2024-mi sipaarutissat naatsorsuutigineqartut kisitsisitaat nassaarineqarput, aningaasat katillugit 1.600.000 kr-niusuni atuartumut ataatsimut agguaqatigiisillugu ukiumut aningaasartuutigineqartartup nanineratigut.

Sipaarutissat ilai aatsaat aggustip ulluisa aallaqqaataanni atuarneq aallartippat atuutilissammata erseqqissaatigissallugu pingaaruteqarpoq, tassani ukioq aningaasartuuteqarfiusoq 2021 aallarnerfigalugu.

Ukioq missingersuusiorfik 2021	Ukioq missingersuusiorfik 2022	Ukioq missingersuusiorfik 2023	Ukioq missingersuusiorfik 24
133.333 kr.	462.222 kr.	1.102.222 kr.	1.600.00 kr.
Atuartut 3	Atuartut 7	Atuartut 15	

Taamaattoq angajullerni atuartut ilinniartinneqarnissaannik pisariaqartitsineq matussuserniarlugu sipaarutissat taakkua Ittoqqortoormiini ataatsimik arlalinnilluunniit ilinniartitsisunik atorfinitsitsinermi aningaasartuutinit allanit illuatungilerneqartariaqassaaq. Soorluttaaq sammisassat atuartunut tunngasunut nerisaqartitsinermilu aningaasartuutit qaffannissaat naatsorsuutigineqartuq.

Aaaqqissuussinermut atatillugu aningaasartuuteqarnerulernissamut naatsorsuutit:

	Ukioq missingersuusiorfik 2021	Ukioq missingersuusiorfik 2022	Ukioq missingersuusiorfik 2023	Ukioq missingersuusiorfik 2024
Ilinniartitsisunik marlunnik atorfinitsitsineq	350.000	840.000	840.000	840.000
Pequtit nutserneri	200.0000	0	0	0
Sammisassat atuartunut tunngasut *	8.400	18.000	18.000	18.000
Pisatat (missiliorlugit)	15.000	20.000	40.000	0
Nerisitsineq **	4.095	22.930	32.212	47.499
Ilinniartitsisoq angalasartoq** *	210.000	420.000	420.000	420.000
Angalanermut aningaasartuutit ****	50.000	150.000	150.000	150.000
Katillugit	837.495	1.470.930	1.500.212	1.475.499

*Atuartumut ataatsimut sammisassanun atuartunut tunngasunut 1.200 koruunit ukiumut immikkoortinneqassasut tunngaviumik aalajangiisoqarpoq.

**2020-mi agguaqatigiisillugu atuartup ataatsip nerisinneqartarneranut aningaasartuutinik aningaasartai nassaarineqarput

***Ukiumut pingasoriarluni ilinniartitsisoq angalasartoq ltoqqortoormiinukartoqartassaaq pingortitalerinermit atuartsissalluni

**** Angalanermut aningaasartuutit angalanermut ataatsimut 50.000 koruuninik missiliunneqarpoq

Inatsisitigut tunngavissaq allakkallu tunngaviumik uppersaatitalit

- Atuarfik pillugu Inatsisartut inatsisissaattut siunnersuut nr. 15, 3. decembari 2012-imeersoq
- Namminersorlutik Oqartussat atuartut angerlarsimaffimmiittarnerat pillugu nalunaarutissatut siunnersuutaat

Ingerlariaqqinnissaq

Suliaq akuqarineqassappat ilinniartitsisussarsiorneq atuartunillu ikaarsaartitsinermit periuseq aallartinneqassaaq.

Aningaasaqarnermut Allatseqarfimmit oqaaseqaatit

ltoqqortoormiini atuartut angajullit atuartinneqarnerisa atulerteqqinneqassappat, Meeqqanut Atuarfeqarnermullu Ingerlatsivik atuartsisussanut atortussanullu aningaasartuutissanun atugassanik aningaasanik 2021-mi immikkut aningaasaliiffigineqarnissamit qinnuteqarsinnaavoq .

Atuartut angajullit atuartinneqarnerisa nuukkiartuaarnerat ilutigalugu, 2022-mut ukiunilu tulliuuttuni missigersuusianun immikkut aningaasartuutissat ilanngunneqariartuaassapput. Atuartut angerlarsimaffiani aningaasartuutinit sipaarutissatut naatsorsuutigineqartut, 2020-mut ukiunilu tulliuuttuni missigersuusianun ilangaatigineqassapput, taamanimut Ingerlatsivik sulii isumaqarpat sipaarutissatut naatsorsuutigineqartut naammassineqarsinnaasut.

Innuttaasunik peqataatsineq/attaveqatigiinneq

ltoqqortoormiini angajoqqaat illoqarfimmi angajullit atuartinneqartalermissaannik kissaatiginnittut oqaloqatigineqarnikuupput.

Ingerlatsivinnit allaniit oqaaseqaatigineqartut

Soqanngilaq

Siusinnerusukkut aalajangernerit

Meeqqanut Atuarfeqarnermullu Ataatsimiititaq 03. februaari 2021:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq 18. febraari 2021:

Inassuteqaat akuersissutigineqarpoq.

Ilanngussat

1. Angajoqqaat saaffiginnissutaat

Punkt 04C: Sunngiffimmi klubbinik Peqqinnermut, Susassaqartitsinnermut Kultureqarnermullu Immikkoortortamut nuussineq

Beslutning

Inassuteqaat akuersissutigineqarpoq.

Bilag

Sunngiffimmi klubbit aaqissuussaanerisa eqqarsaatigineqaqqinnerata allaaserineqarnera

Sunngiffimmi klubbinik Peqqinnermut, Susasaqartitsinnermut Kultureqarnermullu Immikkoortortamut nuussineq

Aalajangiiffigisassaq

J.nr.:2020-28502

Suliffeqarfimmut Kiffartuussivik – Kommunaldirektøri Lars Møller-Sørensen / LMS

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Suliassamik eqikkaaneq

Sunngiffimmi klubbinut suliassap sunngiffimmi susasaqartitsinnermut kulturilerinermullu siuarsarnissaanik immikkoortortaqaarfimmi akisussaasumiilerniassamat, kommunimi sunngiffimmi klubbit ingerlanneqarneri pitsanngorsarnerilu Meeqqanut Atuarfeqarnermullu Ingerlatsivimmiit Peqqinnermut Susasaqartitsinnermut Kulturilerinermullu Immikkoortortaqaarfimmut nuutinneqarnissaa Meeqqanut Atuarfeqarnermullu Ingerlatsiviup inassuteqaatigaa. Suliassap nuunneqarneranittaaq Kommuneqarfik Sermersuup sunngiffimmi klubbii allat eqqarsaatigalugit ataqatigiinnerulernissaa suleqatigiinnerulernissarlu qulakkeerneqarsinnaapput.

Kommuneqarfik Sermersooq katillugit sunngiffimmi klubbinik arfineq-pingasunik meeqqanut inuusuttunullu qulingiluanii 21-nut ukiulinnut sunngiffimmi sammisassaqaartitsinissamik neqerooruteqartunik peqarpoq. Klubbinut akisussaaffik ullumikkut Meeqqanut Atuarfeqarnermullu Ingerlatsivimmiippoq.

Peqqinnermut Susasaqartitsinnermut Kulturilerinermullu Immikkoortortaqaarfiup Meeqqanut Atuarfeqarnermullu Ataatsimiititaq Kommuneqarfik Sermersuumi sunngiffimmi suliassaqaarfimmik ingerlatsisuusq sullitarivaa. Taamaattumik suliassap Peqqinnermut Susasaqartitsinnermut Kulturilerinermullu Immikkoortortaqaarfimmut nuunneqarnerani akisussaaffeqarfik suli Meeqqanut Atuarfeqarnermullu Ataatsimiititamiiinnassaaq.

Tamatuma saniatigut sunngiffimmi klubbit aqqissuussaananerit susasaqaarfimmullu immikkoortumut pilersaarutip eqqarsaatigeqqinneqarnissaa suleriaqqinnermilu ilanngunneqarnissaat akuersissutigineqassasoq inassutigineqarpoq. Matumani klubbini pioreersuni sammisassaqaartitsinerit ataavartumik naleqqussarneqarnissaat ilanngullugit.

Suliaq Meeqqanut Atuarfeqarnermullu Ataatsimiititap ulloq 03. februaari 2021-mi ataatsimiinnerani oqaluuserineqarpoq, ataatsimiititallu inassuteqaat akuersissutigaa suliarlu akuersissutigisassanngorlugu Aningaasaqarnermut Inuusutissarsionermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqillugu.

Suliaq Aningaasaqarnermut Inuusutissarsionermullu Ataatsimiititap ulloq 18. februaari 2021-mi ataatsimiinnerani oqaluuserineqarpoq, ataatsimiititallu inassuteqaat akuersissutigaa suliarlu Kommunalbestyrelsimut akuersissutigisassanngorlugu ingerlateqqillugu.

Inassuteqaat

Aningaasaqarnermut Inuusutissarsionermullu Ataatsimiititap Kommunalbetyrelsimut inassuteqaatigaa:

- klubbit Suliffeqarfimmi Kiffartuussinnermi Peqqinnermut, Susasaqartitsinnermut Kultureqarnermullu Immikkoortortamut 01. aprilli 2021 aallarnerfigalugu tunniunneqassasut
- sunngiffimmi klubbinut aningaasaliissutit Peqqinnermut, Susasaqartitsinnermut Kultureqarnermullu Immikkoortortamut nuunneqassasut
- sunngiffimmi klubbit aqqissuussaananerisa susasaqaarfimmullu immikkoortumut pilersaarummik suliaqartoqarnissaa eqqarsaatigeqqinneqassasoq suleriaqqinnermi ilanngunneqassasoq

Suliassamik saqqummiussineq

2019-p aallartinnerani Suliffeqarfimmi Kiffartuussinerup aaqqissuussaannikkut allanngorneranut atatillugu Peqqinnermut Susassaqtitsinermullu Immikkoortortaqaarfik Meeqqanut Atuarfeqarnermullu Ingerlatsivimmiit Suliffeqarfimmi Kiffartuussinermi Innuttaasunik Kiffartuussivimmummut nuunneqarpoq.

Kommuneqaarfik Sermersuup meeqqanut, inuusuttunut inersimasunullu sunngiffimmi neqeroorutai, matumani innuttaasut illui, peqatigiiffiit inai, sunngiffimmi atuartsinerit sunngiffimmi sammisassaqtitsinerit kiisalu naluttarfik Malik Nipilersornermillu Ilinniarfik Peqqinnermut Susassaqtitsinermut Kulturilerinermullu Immikkoortortaqaarfimmit akisussaaffigineqarput.

Kommuneqaarfik Sermersooq katillugit sunngiffimmi klubbinik arfineq-pingasunik meeqqanut inuusuttunullu qulingiluanit 21-nut ukiulinnut sunngiffimmi sammisassaqtitsinissamik neqerooruteqartunik peqarpoq.

Klubbip taaguutaa	Ukioqatigiit	
Inneruulat, Nuuk	Nukarliit (9-13)	Angajullit (14-21)
Qajaasat, Nuuk	Nukarliit (9-13)	
Qinngorput	Nukarliit (9-14)	Angajullit (14-21)
Illu, Nuuk	Angajullit (14-21)	
NUIF, Nuuk	Nukarliit (9-13)	Angajullit (14-21)
Iginngut, Tasiilaq, nunaqarfiit ilanngullugit	Nukarliit (9-13)	Angajullit (14-21)
Kalaaleq, Paamiut	Nukarliit (9-13)	Angajullit (14-21)
Umimmak, ITT	Nukarliit (9-13)	Angajullit (14-21)

Sunngiffimmi klubbinut suliassaq toqqaannartumik atuarfinnik ingerlatsinermut attuumassuteqaanngikkaluortoq suli Meeqqanut Atuarfeqarnermullu Ingerlatsivimmiippoq. Meeqqanut Atuarfeqarnermullu Ingerlatsivik atuarfeqarnermut meeqqeriveqarnermullu inatsit naapertorlugu sulivoq, uanili Peqqinnermut Susassaqtitsinermut Kulturilerinermullu Immikkoortortaqaarfik sunngiffeqarnermut inatsit naapertorlugu, tassa klubbinut tunngasut ilaatillugit sulilluni.

Meeqqanut Atuarfeqarnermullu Ingerlatsivimmi inassuteqaatigineqarpoq suliassat sunngiffeqarnermut tunngasut Meeqqanut Atuarfeqarnermullu Ingerlatsivimmi Suliffeqarfimmi Kiffartuussinermi Peqqinnermut Susassaqtitsinermut Kulturilerinermullu Immikkoortortaqaarfimmut nuunneqassasut.

Meeqqanut Atuarfeqarnermullu Ingerlatsiviup sunngiffimmi aaqqiissutit, AKO aamma miniklub, atuarernerup kingorna neqeroorutinut tunngasut akisussaaffigiinnartussaavai.

Aaqqiissutissatut siunnersuut – suliatigut naliliineq

Susassaqtitsinermut Immikkoortortaqaarfimmi sunngiffimmi sammisassaqtitsinermik pingaarnertut akisussaaffilinnik sulisoqarmat, kommunimi klubbeqarnermut neqeroorutinik

pitsanngorsaanissamut siuarsaanissamullu sulianik Peqqinnermut Susassaqtitsinermullu Immikkoortortaarfik piukkunnaateqarnerpaatut nalilerneqarpoq. Sunngiffimmi suliassat isumagisinaanissaannut Peqqinnermut Susassaqtitsinermut Kulturilerinermullu Immikkoortortaarfik illoqarfinni tamani immikkoortortaarfimmi aqutsisunik atorfeqartitsivoq.

Klubbit aamma klubbini sammisassaqtitsinerit pitsanngorsarumallugit, Kommuneqarfik Sermersuumi klubbit aqqissuussaanerisa allanngortinnissaannut periarfissat Peqqinnermut Susassaqtitsinermut Kulturilerinermullu Immikkoortortaarfimmit Meeqqanut Atuarfeqarnermullu ingerlatsivik suleqatigalugu misissorlugit aallartinneqarput.

Meeqqanut Atuarfeqarnermullu ataatsimiisitaliap, Kommuneqarfik Sermersuumi sunngiffimmi sammisassaqtitsisarneq Peqqinnermut Susassaqtitsinermut Immikkoortortaarfik akisussaaffigereepaa. Peqqinnermut Susassaqtitsinermut Immikkoortortaarfiup akisussaaffimmik tiguserani, sunngiffimmi klubbit Meeqqanut Atuarfeqarnermullu ataatsimiisitaliap ataaniinnassoq.

Suliniummumt allaaserisaq kakkiunneqarsimasoq tunngavigalugu sunngiffimmi klubbit eqqarsaatigeqqinnissaannut tunngatillugu suleriaqqinnermi Peqqinnermut Susassaqtitsinermut Kulturilerinermullu Immikkoortortamit isumagineqassaaq. Suliap ingerlanneqarnera paasiuminarsarniarlugu immikkoortukkuutaamik ingerlanneqassaaq. Immikkoortoq siullermi Nuummi klubbit eqqarsaatigeqqinneqarnerat sulissutigineqassaaq. Tamatuma kingorna klubbit illoqarfinnut nunaqarfinnullu Nuup avataaniittut ilanngunneqarnissaat tullinguunneqassapput.

Immikkoortut ima isikkoqartinneqarput:

- 1) Immikkoortoq siullermi Nuummi klubbinik naleqquttunik nutaanik pilersitsinissaq sammineqassaaq. Suliniummumt allaaserisatut kakkiussaq, inuusuttunik peqataatitsineq, kiisalu illuatungeriit susassaqtartut, paaqqinnittarfiit kattuffiillu tusarniaaffigineqarnerat ukkatarineqassaaq.
- 2) Immikkoortup aappaani Nuummit misilittakkat tunngavigalugit Paamiuni Ittoqqortoormiinilu klubbip eqqarsaatigeqqinneqassapput. Tasiilami inuusuttunut kulturikkut illorsuamik nutaamik sanasoqamperpoq taamaattumik immikkoortup tulliata atulernissaanut Tasiilaq siulliuvoq.
- 3) Immikkoortup pingajuani Tasiilaq peqataatinneqassaaq. Inuusuttunut kulturikkut illorsuaq nutaajummat Tasiilamilu inuusuttunut assigiinngitsorpasuarfik periarfissaqtitsilermat, Inuusuttut kulturikkut illorsuat aallaavigalugu allanik sammisassaqtitsinermik pisariarqartitsineq misissorneqassaaq.
- 4) Immikkoortup sisamaani nunaqarfiit ilanngunneqassapput. Matumani katersortarfiup Peqqinnermut Susassaqtitsinermut Kulturilerinermulle Immikkoortortap akisussaaffigileqqammisaata qanoq atorneqarnissaa eqqarsaatigineqassaaq.

Aningaasatigut sulisoqarnikkullu naliliinerit

Inassuteqaatigineqartoq akuersissutigineqassappat katillugit 17.774.344 koruunit 2021-mi sunngiffimmi klubbinut aningaasat immikkoortinneqarsimasut Peqqinnermut Susassaqtitsinermut Kulturilerinermullu Immikkoortortaarfimmut nuunneqassapput. Erseqqissaatigineqassaaq Nuummi klubbit aqqissuussaanerit illoqarfinnut allannut nunaqarfinnilu naleqqiullugit allaanerummat. Illoqarfinni allani atuareernerup kingorna ornittakkat klubbillu ataatsimut pisortaqtartarput, taamaattumillu illoqatigiissinnaasarlutik.

KLUBBIT ATII	BUDGET
Inneruulat	1.761.000 kr.
Qajaasat	1.070.000 kr.
Ungdomsklub nutaaq Qinngorput	3.600.000 kr.

Illu	1.280.004 kr.
NUIF (illut marluk: NUiF, Alleq kiisalu nipilersornermi sungiusartarfiit pingasut)	3.773.248 kr.
Iginngut	4.277.596 kr.
Kalaaleq	1.162.452 kr.
Umimmak	850.044 kr.
Tammakkerlugit	17.774.344 kr.

Susassaqarfimmi immikkoortumut pilersaarutip suliaralugu nanginnissaanut inassuteqaat akuersissutigineqassappat, klubbini nutaani sammisassanik ininillu sunik peqassanersoq pillugu sukumiisumik pilersaarusiortoqassaaq. Tassanngaaniit pilersaarutit piviusunngortinnissaannut qanoq akeqassanersut aningaasatigut naliliisoqassaaq, tamatumalu kingorna pilersaarutit sukumiisut inaarutaasumik akuersissutigineqannginneranni missingersuusiortoqarlunilu periarfissat allattorsimaffiannik suliaqartoqassaaq.

Inatsisitigut tunngavissaq allakkallu tunngaviusumik uppersaaitallit

- Kommuneqarfik Sermersuumi Kommunalbestyrelsimi Aqutsinermi lleqqoreqqusaq
- Kulturikkut ingerlatsineq sunngiffimmi sammisassaqaqtitsineq pillugit Inatsisartut inatsisaat nr. 5, 6. juni 2016-imeersoq
- Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq

Ingerlariaqqinnissaq

Inassuteqaatigineqartoq akuersissutigineqassappat suliassaq aningaasaliissutaasut ilanngullugit Peqqinnermut Susassaqaqtitsinermut Kulturilerinermullu Immikkoortortaqaarfimmut nuunneqassapput, tassanilu klubbit aqqissuussaanerisa allannngortinnissaannut saqqummiussassaq suliaralugu aallartinneqareerpoq, immikkoortumullu pilersaarusiornermut sulineq nanginneqassalluni. Klubbit aqqissuussaanerisa suliarinerat immikkoortukkaartumik siuliani allaaserineqartut suliarineqassaaq. Klubbini pioreersuni sammisassat eqqarsaatigeqqinnerini isumassarsiat nutaat ataavartumik naleqqussarneqartassapput.

Aningaasaqarnermut Allatseqarfimmit oqaaseqaatit

Innersuussut akuerineqassagaluarpat, missingersuutit kommunip sunngiffimmi klubbiiniik 17,7 mio.kr. Meeqqanut Atuarfeqarmullu Ingerlatsivimmit Suliffeqarfimmi Kiffartuussivimmut, Peqqinneq, Sammisassaqaqtitsineq Kulturilerinermullu immikkoortortaqaarfimmut ullumikkut inissisimaffigisaanut nuunneqassapput. Sunngiffimmi klubbini tunniussineq akuerineqassappat aningaasanik allamut ikkussineq piviusunngortinneqassaaq tapiliussatut aningaasaliissutit siullermeerlutik 2021-mi ingerlanneqarneranni.

Tunniussineq isumaqassaaq siunissami Peqqinneq, Sammisassaqaqtitsineq, Kulturilerinermullu immikkoortortarfiup kommunimi sunngiffimmi klubbit akisussaaffigilissagaat ingerlannissaannut missingersuutit ilanngullugit.

Tunniussisoqassappat, Peqqinneq, Sammisassaqaqtitsineq, Kulturilerinermullu immikkoortortaqaarfik klubbit aqqissuussaanerisa allannngortinnissaannut suliaqassaaq. Aqqissuussaanerup allannngortinneqarnissaanut suliaq missingersuutit pioreersut iluani aningaasalersorneqassaaq.

Aqqissuussaanerup allannngortinnissaanut suliaq pilersaarutini aaliangersimasunik suliniutinik kommunip sunngiffimmi klubbiinut pitsannguutaasussanik imaqassaaq. Tamannalu isumaqarumarpoq ullumikkumiik missingersuutit allaanerusumik atorneqalernissaat. Missingersuutit 2022-moortut suliarineqarneranni Peqqinneq, Sammisassaqaqtitsineq, Kulturilerinermullu immikkoortortaqaarfik periarfissaqassaaq sunngiffimmi klubbit akornanni missingersuutini nussunissaq, periarfissallu allattorsimaffiannik pilersaarutitut piviusunngortitsinissamut suliniutinik saqqummiussinissamut periarfissaqassalluni.

Innuttaasunik peqataatsineq/attaveqaqatigiinneq

Kommunimi inuusuttut tusarniaaffigalugit akuutinneqarneqarnerat eqqartueqatigineqarnerat sunngiffimmi klubbini sammisassat suut inissaqartinneqassanersut pillugit innuttaasunik peqataatsineq aallartisarneqarpoq.

Ingerlatsivinnit allaniit oqaaseqaatigineqartut

Peqqinneq Susassaqartitsinermut Kulturilerinermullu Immikkoortortaqaqarfiup suliassamik nuussinissaq qilanaarivaa klubbillu siuarsarneqarnissaat Kommuneqarfik Sermersuup sunngiffimmi neqeroorutitut sulinermi ingerlariaqqinnissaa qilanaaralugu.

Siusinnerusukkut aalajangerit

Meeqqanut Atuarfeqarnermullu Ataatsimiititaq 3. februaari 2021:

Inassuteqaat akuersissutigineqarpoq.

Aningaasaqarnermut Inuusutissarsiornermullu Ataatsimiititaq 18. februaari 2021:

Inassuteqaat akuersissutigineqarpoq.

Ilanngussat

1. Sunngiffimmi klubbit aaqqissuussaanerisa eqqarsaatigineqaqqinnerata allaaserineqarnera

Punkt 04D: Angerlarsimaffeqanngitsuuneq pillugu immikkoortumut pilersaarut

Beslutning

Inassuteqaat akuersissutigineqarpoq.

Bilag

Angerlarsimaffeqanngitsuuneq pillugu immikkoortumut pilersaarut

Angerlarsimaffeqanngitsuuneq pillugu immikkoortumut pilersaarut

Aalajangiiffigisassaq

J.nr.: EMN-2020-31167

Suliffeqarnermut Isumaginninnermullu Ingerlatsivik – Pisortaq Ejner Grønvold / EJGR

Suliassamik eqikkaaneq

Angerlarsimaffeqanngitsuuneq pillugu immikkoortumut pilersaarut una kommunip Angerlarsimaffeqanngitsuuneq pillugu periusissiaanut ilassutaavoq. Periusissiaq anguniakkanik suliniuteqarfinnillu pingaarnernik takutitsivoq, Angerlarsimaffeqanngitsuunerlu pillugu immikkoortumut pilersaarut neqeroorutiniq atuuttunik kiisalu kommunip siunissami neqeroorutigiumasaanik takutitsilluni.

Angerlarsimaffeqanngitsuuneq pillugu Kommunip iliuuserisassai immikkoortunut marluusunut avinneqarput. Immikkoortumi siullermi unnuiffissamik pitsaasumik pinartumik pisariaqartitsineq qitiutinneqarpoq. Tamanna kommunip angerlarsimaffeqanngitsunut unnuisarfimmi naammattunik amerlassusilinnik qulakkeerinnikkut aaqqiissuteqarfiginiarpaa. Immikkoortup aappaani siviisuumik angerlarsimaffeqannginneq pineqarpoq. Uani kommunimit anguniarneqarpoq, innuttaasunut utaqqiisaasumik inissamik neqerooruteqarnissaq, taannalu ataavartumik inissarsinissap tungaanut atuutissaq. Tamanna ilaatigut inissianik katitertakkanik/utaqqiisaasumik inissianik imaluunniit isumaginnittoqarfik aqutugalugu inissanik agguassinnikkut qulakkeerneqassaaq.

Ingerlatsivik periutsinik isumaginninnermut tunngassutilinnik ungasinnerusoq eqqarsaatigalugu suliniutinut tapersiisussanik ineriartortitsivoq. Tamatuma periuseq Housing First aallaavigissavaa. Housing First pineqarpoq, innuttaasut angerlarsimaffeqanngitsut sukkaasumik inissarsinissaat qitiutillugu isumaginninnermi iliuutsinut ataqaatigiissumik kommunimit neqeroorutigineqartussaq.

Suliaq Suliffeqarfinnermut Isumiginninnermullu Ataatsimiititami februaarip ulluisa aappaani 2021-imi oqaluuserineqarpoq, ataatsimiititalu Angerlarsimaffeqanngitsuuneq pillugu immikkoortumut pilersaarut akuersissutigaa ima oqaaseqaatitalerlugu: Angerlarsimaffeqanngitsunut tunngasut kisitsisaatigineqartut nutarterneqassapput, kisitsisillu paasisutissat angerlarsimaffeqanngitsunut unnuisarfimmeersuunerusut, imaluunniit kommunip najugaqarfeqanngitsunut nalunaarsugaaneersuunersut erseqqissaatigineqassalluni, suliarlu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap ulloq 18. februaari 2021-mi ataatsimiinnerani oqaluuserineqarpoq, ataatsimiititalu angerlarsimaffeqanngitsuuneq pillugu immikkoortumut pilersaarut akuersissutigaa suliarlu Kommunalbestyrelsimut akuersissutigisassanngorlugu ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbetyrelsimut inassuteqaatigaa:

- angerlarsimaffeqanngitsuuneq pillugu immikkoortumut pilersaarut akuerineqassasoq

Suliassamik saqqummiussineq

Angerlarsimaffeqanngitsuuneq inissaqannginnermut tunngaannarani aamma inooqataanermi ajornartorsiutinut arlalinnut soorlu imigassamik hashimilluunniit atonerluinnermut, suliffeqarnermut attavilunnermut inunnullu allanut attaveqarnikkut amigaateqarnermut tunngassuteqarpoq.

Kalaallit Nunaanni inuuniarnermikkut ajornartorsiuteqartut suliffeqanngitsut attaveqaateqanngitsulluunniit illoqarfinnut anginerusunut, annermik Nuummut nuukkumanerusarput. Taamaalilluni Nuuk Kalaallit Nunaat tamaat sinnerlugu unammilligassaqarpoq. Angerlarsimaffeqanngitsuuneq Nuummi annertunerpaamat, kommunip suliniutai annertunerusumik Nuummiipput. Immikkoortumulli pilersaarummi kommunip illoqarfiisa nunaqarfiisalu sinnerini inissaaleqinerup aaqqiiffiqineqarnissaa aammattaaq ilaatinneqarpoq.

Aaqqiissutissatut siunnersuut – suliatigut naliliineq

Immikkoortumut pilersaarut neqeroorutiniq atuuttunik kiisalu kommunip siunissami neqeroorutigiumasaanik takutitsivoq. Ataatsimut isigalugu kommunip angerlarsimaffeqanngitsuuneq pillugu suliniutai immikkoortut marlungorlugit agguarneqarsinnaapput:

Immikkoortumi siullermi unnuiffissamik pitsaasumik pinartumik pisariaqartitsineq qitiutinneqarpoq. Tamatumani innuttaasut pinartumik unnuiffissaqannginnikkut ajornartoornerini angerlarsimaffeqanngitsunut unnuisarfinni naammattumik inissaqartitsinissaq kommunip qulakkiissagaa pineqarpoq. 2020-mi covid-19-ip kiisalu oqartussat killilersuinerisa innuttaasunut tamanut unnuinissamat periarfissanik toqqissisimanartunik eqqiluutsunillu pisariaqartitsisoqarnera naqissuserpaat. Kommunip angerlarsimaffeqanngitsunut utaqqiisaasumik tupeqarfiliornermigut aaqqiissutaa, inissisimaffinnut pinartunut suliniutitigut aaqqiissutitut assersuutaavoq.

Suliniutit immikkoortuisa aappaanni sivilisuumik angerlarsimaffeqanngitsuuneq sammineqarpoq. Sivilisuumik angerlarsimaffeqanngitsuuneq eqqaariikkatut inooqataanermi ajornartorsiutinut atassuteqarajuppoq. Suliniut iluatsitsiffiusoq inissamik neqeroorummik isumaginninnikkullu suliniummik imaqaasasoq tamanna isumaqarpoq. Sivilisuumik angerlarsimaffeqanngitsuuneq akiorniarlugu ilaatigut inissianik katitertakkatigut/utaqqiisaasumik inissiatigut imaluunniit isumaginnittoqarfik aqutugalugu inissatigut innuttaasut sivilisunermik inissanik neqeroorfigisinaanissaannik qulakkeerinninnissaq kommunip qitiutippaa. Ungasinnerusoq eqqarsaatigalugu suliniuteqarneq nukittorsarniarlugu Housing First aallaavigalugu ingerlatsivik periutsinik isumaginninnermut tunngassutilinnik ineriartortitsilluni suliaqarpoq.

Angerlarsimaffeqanngitsut pisortanit (imaluunniit namminersortunit) sukkasuumik inissianik pissarsitinneqarnissaata tamatumunngalu atassuteqartumik isumaginninnikkut suliniuteqarfigineqarnissaata qulakkeerneqarnissaa Housing First-imi siunertarineqarpoq. Kommuneqarfik Sermersuumi inissiat katitertakkat aammalu isumaginnittoqarfik aqutugalugu inissanik agguassineq periutsimut Housing First-imut aallaavigitinneqassapput.

Taamaattumik inissiat katitertakkat/utaqqiisaasumik inissiat unnuisarfirmilu inissat amerlinissaat qitiutinneqartariaqarpoq. Unnuisarfik 70-inik inissalik inissiallu katitertakkat 70-inik inissallit Nuummi 2035-mut tigussaasumik anguniagaapput. Angerlarsimaffeqanngitsut illuannik neqeroorutiniq taakkunanga marlunnik inissaqartitsisussamik pilersitsinissaq kommunip sulissutigaa.

Sinerissami utaqqiisaasumik inissiat aaqqiissutissatut qitiutinneqassapput. Assersuutugalugu inissiat ilai ataavartumik inissaqalernissap tungaanut atuuttussat Paamiuni Tasiilamilu angerlarsimaffeqanngitsunut inigitinneqarallarsinnaapput.

Kommuneqarfik Sermersuup arnat angerlarsimaffeqanngitsut immikkut qitiutissavai. Kommuneqarfik Sermersuumi angerlarsimaffeqanngitsut amerlanersaat angutaapput. Illoqarfinni nunanilu allani agguataarneq taamaattoq nalinginnaavoq. Arnalli angerlarsimaffeqanngitsut atugarliornerusinnaasarput, taamaattumillu kommunip arnat atugarisaat qanorlu ilillutik angerlarsimaffeqannginnermit ikiorneqarsinnaanersut immikkut ittumik qitiutissavaa. Arnanut

angerlarsimaffeqanngitsunut suliniutit iliuusissatullu pilersaarutit inissisimaffimmut immikkut ittumut tassunga naapertuutissasut anguniagaavoq. Angerlarsimaffeqanngitsunut neqeroorutit sinittarfinnik uffartarfinnillu immikkoortunik pissaqartitsinissaat kommunip erseqqissumik anguniagaanut ilaavoq.

Aningaasatigut sulisoqarnikkullu naliliinerit

Angerlarsimaffeqanngitsuuneq pillugu immikkoortumut pilersaarutip akuersissutigineqarnera aningaasartuuteqarfigineqassanngilaq. Immikkoortumut pilersaarummi suliniutit piviusunngortinneqarnissamik missingersuutit qaangerlugit aningaasartuuteqartitsissagaangata, aningaasaliinerup periarfissatut allattorsimaffiliornertigut imaluunniit ilassutitut aningaasaliissutininik qinnuteqaatigut missingersuusiornermut nalinginnaasumut ilanngunnissaa ingerlatsiviup isumagisassavaa.

Inatsisitigut tunngavissaq allakkallu tunngaviusumik uppersaatitalit

- Kommuneqarfik Sermersuumi Nunarsuaq tamakkerlugu anguniagaq
- Kommuneqarfik Sermersuumi angerlarsimaffeqanngitsuuneq pillugu periusissiaq

Ingerlariaqqinnissaq

Angerlarsimaffeqanngitsuuneq pillugu immikkoortumut pilersaarut tamanut saqqummiunneqassaaq. Suliffeqarnermut Isumaginninnermullu Ingerlatsiviup angerlarsimaffeqanngitsuunerup Angerlarsimaffeqanngitsuunerlu pillugu immikkoortumut pilersaarutip ineriartornerat ingerlaavartumik malinnaaffigisavaa.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqaqatigiinneq

Housing First-ip najukkani pissutsinut naleqqussarneqarnissaa malinnaatitamit suliamik misilittagaqareersumit sulianillu ingerlatsisunit ingerlaavartumik eqqartorneqartassaaq.

Ingerlatsivinnit allanit oqaaseqaatigineqartut

Angerlarsimaffeqanngitsuuneq pillugu immikkoortumut pilersaarutip suliarineqarnerani Sanarfinermut Avatangiisinullu Ingerlatsivik peqataatinnearpoq.

Siusinnerusukkat aalajangerit

Suliffeqarnermut Isumaginninnermullu Ataatsimiititaq 02. februaari 2021:

Inassuteqaat akuersissutigineqarpoq, ima oqaaseqaatitalerlugu: Angerlarsimaffeqanngitsunut tunngasut kisitsisaatigineqartut nutarterneqassapput, kisitsisillu paasissutissat angerlarsimaffeqanngitsunut unnuisarfimmeersuunerusut, imaluunniit kommunip najugaqarfeqanngitsunut nalunaarsugaaneersuunersut erseqqissaatigineqassalluni.

Aningaasaqarnermut Inuussutissarsiornermullu Ataatsimiititaq 18. februaari 2021:

Inassuteqaat akuersissutigineqarpoq.

Ilanngussat

1. Angerlarsimaffeqanngitsuuneq pillugu immikkoortumut pilersaarut

Punkt 04E: Angallannermut pilersaarutissatut siunnersuut, immikkoortoq 1: Pisuinnaat aamma cykkilertut, Nuuk

Beslutning

Inassuteqaat akuersissutigineqarpoq.

Bilag

Angallannermut immikkoortumut pilersaarutissatut siunnersuut, imm. 1: Pisuinnarnut aamma cykkilertunut

Pilersaarusionermut siunnersuisartumit suliaq (Via Trafik)

Angallanermut pilersaarutissatut siunnersuut, immikkoortoq 1: Pisuinnaat aamma cykkilertut, Nuuk

Aalajangiiffigisassaq

J.nr.: PRJ-2020-00021

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Matumani Angallanermut pilersaarutissatut siunnersuut, immikkoortoq 1: Pisuinnaat cykkilertullu, Nuuk, angallanermi isumannaatsuunissaat ingerlaffigiuminartumiitinneqarnissaallu qitiutinneqarpoq. Immikkoortumut pilersaarutissatut siunnersuummi siusinnerusukkut angallanermut pilersaarusiareneqartoq killiffissiorneqarpoq, taannalu tunngavigalugu suliniutigineqartussat ingerlanneqarput.

Angallanermi ingerlaarfiit ajornartorsiutaasinnaasut aamma sumiiffiit kiisalu Nuummi ajutoorfiusinnaasut nassuiarneqarput. Sumiiffinni aqquserngit aalajangersimasut pisuinnarnut cykkilertunullu aqqutit pitsaanerusumik isumannaallisaavigineqarnissaannut taanna aaqqiissutissanut siunnersuuteqarfiussaaq.

Aaqqiissutissatut siunnersuutit sanaartornermi pingaarnersiukkatut inissinneqarput.

Suliaq Sanarfinermut Avatangiisinullu Ataatsimiititap februaarip ulluisa 15-iani 2021-mi ataatsimiinnerani oqaluuserineqarpoq, Ataatsimiititamiillu "Angallanermut pilersaarutissatut siunnersuut, immikkoortoq 1: pisuinnaat aamma cykkilertut, Nuuk" akuersissutigineqarpoq suliarlu Aningaasaqarnermut Inuussutissarsiornermullu Ataatsimiititamut tamanut tusarniaassutigineqarnissaa siunertaralugu akuersissanngorlugu ingerlateqqillugu kiisalu Kommunalbestyrelsimut ilisimatitsissutigisassanngorlugu ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap ulloq 18. februaari 2021-mi ataatsimiinnerani oqaluuserineqarpoq, ataatsimiititalu Siunnersuut Angallanermut pilersaarutit akuerineqassasoq, immikkoortoq 1: Pisuinnaat aamma cykkilertut, Nuuk, tamanut tusarniaassutigineqarnissaa siunertaralugu akuersissutigaa suliarlu Kommunalbestyrelsimut akuersissutigisassanngorlugu ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbetyrelsimut inassuteqaatigaa:

- siunnersuut Angallanermut pilersaarutit akuerineqassasoq, immikkoortoq 1: Pisuinnaat aamma cykkilertut, Nuuk, tamanut tusarniaassutigineqarnissaa siunertaralugu

Suliassamik saqqummiussineq

Immikkoortumut pilersaarut siunissaq ungasinnerusoq pillugu pilersaarutaavoq, ilaatigut Nuummi innuttaasut pisuinnaat cykelertullu atugaannik pitsanngorsaanissamik qulakkeerinnittussaq.

Pilersaarut una pilersaarutinit katillugit pingasuusunit siulliuvoq, taanna Nuummi angallanermut ataatsimut takutitsisuuvoq, ajornartorsiutaasunik misissueqqissaarnermik aamma piffissap ingerlanerani naleqquttumik aaqqiissutissatut siunnersuutaasumik.

Immikkoortut immikkoortillugit politikikkut suliassanngorlugit ingerlateqqinneqarput, taamaattorli ataatsimut pilersaarusionermi kapitalinut tullerriaartinneqartutut isigineqarput.

Immikkoortumut pilersaarutissatut siunnersuut pisuinnaat isumannaatsuunissaat ingerlaffigiuminartukkoornissaannillu ataatsimut takorluukkanik nassuiaasuuvoq. Siusinnerusukkut angallannermut pilersaarusiaq killiffisioneqarpoq, angallannermilu ingerlaarfiit ajornartorsiutaasut aamma Nuummi sumiiffinnut nassuiarneqarput. Illoqarfimmi ajutoorfiusinnaasunik takutitsinnermut peqatigitillugu pilersaarusionissamut tunngaviliisuusaaq. Immikkoortumut pilersaarut una aqqiissutissatut siunnersuutitaqarpoq arlalinnik, taannalu aqqusinernik isumannaannerulersitsissaaq aamma taakkunani paarlallutik ingerlaarfiusunik:

- Siunnersuutigineqarpoq Nerngallaaniit kaajallattarfiup eqqaaniit Sipisaaq Kangilliup tungaanut aqqusineq annertunerulersinneqassasoq. Pisuinnaat cykkilertullu aqqutaat aqqusernup illuatigoortup silinnerulersinneratigut imaluunniit aqquserngit illugiissillugit illuinnaanut ingerlaarfinngortinnerisigut.

Taakkua saniatigut immikkoortumut pilersaarummi suliniuteqartoqassasoq immikkorluinnaq imatut ittumik:

- Nerngallaani, Qernertunnguani aamma Sipisaaq Kangillermi kaajallattariani aqqusineeraliorneq.
- Aqqusinersuakut pisuinnarnut aqqusineeqqat cykelertunullu aqqutit pitsanngorsarneri.
- Aqqusinersuarmiit Sanamut Aqqutip tungaanut aqqusineeraqarnissaq.
- H. J. Rinksvejimi, Sipisaaq Kangillermi aamma Quassunnguami nutaamik kaajallattarialiorneq.
- Illoqarfimmi angallavigiuminarsaaneq eqqarsaatigalugu tamat tummeraannik nalilersuineq sanaartornerlu.

Aaqqiissutissat tamarmik sanaartornermut missingersuuteqartinneqarput.

Aaqqiissutissatut siunnersuut – suliatigut naliliineq

Nuummi ajutoorfioratarsinnaasut ullumikkut atuuttut tunngavigalugit, ajutooratarnissat annikillisarniarlugit aaqqiissutissatut siunnersuutini arlalinnik suliartoqarpoq. Aaqqiissutissatut siunnersuutit najoqqutaralugit attaveqarnerup pioreersup immikkoortukkuutaartumik sanaartorfiunissaanik siunertaqarput. Suliffeqarfik siunnersuisartooq taannaavoq aaqqiissutissanik siunnersuusiortoq, taannalu illoqarfimmi suliassanik tigummisareerpoq najukkamilu pissutsit ilisimaarilluarlugit kommunimilu ingerlaneq ilanngullugu.

Aningaasatigut sulisoqarnikkullu naliliinerit

Angallannermut immikkoortumut pilersaarutissap suliarineqarneratigut - immikkoortoq 1: Aqquserngit aamma aqqusineeqqat, Nuuk, aningaasatigut kinguneqarnaviangilaq.

Inatsisitigut tunngavissaq allakkallu tunngaviusumik uppersaatitalit

- Pilersaarusioneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq
- Kommunimut pilersaarut digitaliusoq www.sermersooq2028.gl

Ingerlariaqqinnissaq

Pilersaarut una pilersaarutinit katillugit pingasuusunit siulliuvoq, taanna Nuummi angallannermut ataatsimut takutitsisuuvoq, ajornartorsiutaasunik misissueqqissaarnermik aamma piffissap ingerlanerani naleqquttumik aaqiissutissatut siunnersuutaasumik. Immikkoortut immikkoortillugit politikikkut suliaassanngorlugit ingerlateqqinneqarput, taamaattorli ataatsimut pilersaarusiornermi kapitalinut tullerriaartinneqartutut isigineqarput.

Aningaasaqarnermut Allatseqarfimmit oqaaseqaatit

Aaqiissutissatut siunnersuutit attaveqarnerup pitsanngorsarnissaanut tunngasut, sanaartornissamut 20 mio. koruuninik aningaasaliiffigineqartariaqarsinnaasut Angallannermi immikkoortumut pilersaarummi saqqummiunneqarput. Kommunip 2021-miit 2029-mut sanaartornermut pilersaarutaani attaveqarnermut sanaartorfissagissaanissamullu 50 mio koruunit immikkoortinneqarsimapput. Aningaasaliissutinit taakkuninnga aningaasat kommunimi attaveqaatit pitsanngorsarneqarnissaannut allilerneqarnissaannullu atorneqarsinnaassapput. Aaqiissutissatut siunnersuutissat toqqarneqareerpata inaarutaasumillu akuerineqareerpata erseqqinnerusumik pilersaarusiornemit missingersuusiornemillu ingerlanneqarumaarput.

Innuttaasunik peqataatsineq/attaveqaqatigiinneq

Angallannermut pilersaarummut siunnersuut sapaatip-akunnerini arfineq-pingasuni tamanut tusarniaassutigineqassaaq.

Ingerlatsivinnit allaniit oqaaseqaatigineqartut

Oqaaseqaateqartitsisoqanngilaq.

Siusinnerusukkat aalajangernerit

Sanarfinermut Avatangiisinullu Ataatsimiititaq ulloq 15. februaari 2021:

Inassuteqaat akuersissutigineqarpoq.

Aningaasaqarnermut Inuussutissarsiornemullu Ataatsimiititaq 18. februaari 2021:

Inassuteqaat akuersissutigineqarpoq.

Ilanngussat

1. Angallannermut immikkoortumut pilersaarutissatut siunnersuut, imm. 1: Pisuinnarnut aamma cykkilertunut
2. Pilersaarusiornermut siunnersuisartumit suliaq (Via Trafik)

Punkt 04F: Kommunitut pilersaarut 2032 inaarutaasumik akuersissutiginnineq

Beslutning

Inassuteqaat akuersissutigineqarpoq, Siumumiit ikinnerussuteqartutut ima oqaaseqaatitaqarluni: Inuit asialaarfissaat aamma pingaartinneqartariaqarput.

Bilag

Tusarniaassummut akissuteqaatinik takkuttunik suliarinnineq

Tusarniaanermi akissutit

Tusarniaanerup kingunerisaanik allannguutit allattorsimaffiat

<https://sermersooq.gl>

Kommunimut pilersaarut 2032 inaarutaasumik akuersissutiginnineq

Aalajangiiffigisassaq

J.nr.: EMN-2020-26540

Sanarfinermut Avatangiisinullu Ingerlatsivik - Pisortaq Hans Henrik Winther Johannsen / HHWJ

Suliassamik eqikkaaneq

Sanarfinermut Avatangiisinullu Ingerlatsiviup kommunimut pilersaarut nutartigaq suliarinikuuaa, Kommuneqarfik Sermersuumut tamarmut atuuttussaq, maannalu taanna sapaatip akunnerini arfineq-pingasuni tamanut tusarniaassutigineqareerpoq. Piffissami tusarniaaffiusumi tusarniaanermut akissutit 26-t tiguneqarput, taakkualu allannguuteqartitsinissamut tunngavissiiingillat.

Siunnersuut kommunimut pilersaarutip atuuttup ilaannakuusumik iluarsiiissutitaraa, Pilersaarusiornermut periusissami P18-imi aalajangerneqartutut, aammalu kommunimut pilersaarutip ukiut sisamakkuutaarlugit nutarterneqartarnissaanut atatillugu. Kommunimut pilersaarut nutaaq qarasaasiakkut uani pissarsiarineqarsinnaavoq: <https://kp.sermersooq.gl/>

Suliaq Sanarfinermut Avatangiisinullu Ataatsimiititap februaarip ulluisa 15-ianni 2021-mi ataatsimiinnerani oqaluuserineqarpoq, ataatsimiititamiillu 2032-mut Kommunimut pilersaarut akuersissutigineqarpoq suliarlu akuersissutigisassanngorlugu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqarluni.

Suliaq Aningaasaqarnermut Inuussutissarsiornermullu Ataatsimiititap ulloq 18. februari 2021-mi ataatsimiinnerani oqaluuserineqarpoq, Kommunemut pilersaarit 2032 akuersissutigaa, suliarlu Kommunalbestyrelsimut inaarutaasumik akuersissutigisassanngorlugu ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbetyrelsimut inassuteqaatigaa:

- Kommunimut pilersaarut 2032 inaarutaasumik akuersissutigineqassasoq

Suliassamik saqqummiussineq

Sanarfinermut Avatangiisinullu Ingerlatsiviup kommunimut pilersaarut nutartigaq suliarinikuuaa, Kommuneqarfik Sermersuumut tamarmut atuuttussaq, maannalu taanna sapaatip akunnerini arfineq-pingasuni tamanut tusarniaassutigineqareerpoq. Piffissami tusarniaaffiusumi tusarniaanermut akissutit 26-t tiguneqarput, taakkunanga amerlanerit Nuummi golfertarfiup, inuussutissarsiuteqarfimmut inissaqartitsinissaq siunertarlugu, nuutinneqarnissaanut akerliupput. Kisianni ingerlatsiviup ineriartortitsinissamut pilersaarutip attatiinnarneqarnissaa, tassanilu Golfklubben nunaminertamik allamik periarfissinneqassasoq innersuussutigaa.

Siunnersuut kommunimut pilersaarutip atuuttup ilaannakuusumik iluarsiiissutitaraa, Pilersaarusiornermut periusissami P18-imi aalajangerneqartutut, aammalu kommunimut pilersaarutip ukiut sisamakkuutaarlugit nutarterneqartarnissaanut atatillugu. Kommunimut pilersaarut nutaaq qarasaasiakkut uani pissarsiarineqarsinnaavoq: <https://kp.sermersooq.gl/> Kommunip pilersaarutaani siunnersuut nutaaq, ukiuni sisamani kingullerni kommunimut pilersaarummut tapiliussami allannguutit aqqtugalugit suliaavoq Kommunimut pilersaarutip nutarternerani arlalialunnik allannguisoqarpoq, nutarterisoqarpoq aamma immikkoortut ilaannut ilanngussisoqarpoq.

Pilersaarusiornermi toqqammavigneqartoq pioreersoq aallaavigalugu (Kommunimut pilersaarut 2028), immikkoortut ilaasa atorineqarnissaat nunaminertanillu atugassiisuteqartarnermut tunngasuni, kommunimi tamarmi assigiinnik malittarisassaqaarnissaq qulakkeerniarlugu allaqqinneqarput iluarsartuunneqarlutillu.

Kommunimut pilersaarummi immikkoortut ataasiakkaat assigiinngitsukkuutaanik allannguiffigineqarput:

- Nutarterinermut atatillugu **pingaarnertut ilutsimi** oqaaseqatigiit aqqissorneqarput kingunerisassallu iluarsaanneqarlutik.
- Pilersaarusiornermi **tunngaviit pioreersut aallaavigalugit**, nunaminertamik atugassiinermi allaqqiisoqarpoq aqqiisoqarlunilu inatsimmi piumasaqaatit ingerlatseriaatsillu tunngavigalugit, qulakkeerniarlugu kommunimi tamarmi nunaminertamik qinnuteqartoqartillugu sullissinermi assigiinnik malittarisassaqaarnissaq.
- **Tunngaviusumik aalajangersakkat** nutaat nutartikkat, immikkoortut ilaanni tamani tamanut aalajangersakkatut atuuttussatut ilanngunneqarput, illoqarfinnut/nunaqarfinnullu aammalu nunaannarmut atuuttut.
- Immikkoortut ilaanni 444-ni **aalajangersakkat pingaarnerit** sukumiisumik misissorneqarput. Aalajangersakkat suuneri najoqqutaralugit tamangajammik suliaapput - imaappoq, assigiissakkanik oqaasertalersorneqarput, assigiissakkanik malittarisassaqaarnissaq qulakkeerniarlugu, kisianni inoqarfiit kommunimilu sumiiffiit assigiinngitsut ataqqillugit.

Pilersaarutip nutarternerata nalaani aamma saqqaa ilusaalu qarasaasiakkut sukumiisumik naleqqussarneqarlunilu nutarterneqarpoq. Tamaaliornermi innuttaasunut ataasiakkaanut taamatullu sullissisumut paasissutissanik attuumassuteqartunik ujarlernermi pisariinnerulernissaa pingaarnertut siunertaalluni.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsiviup kommunimut pilersaarutitut nutaatut siunnersuutip pilersaarusiornissamut, sanaartugassanik suliarinnittarnermut nunaminertanillu atuinissamik qinnuteqaatit suliarineqartarnerinut pitsaanerusumik nutartikkamillu toqqammavissaqalissasoq nalilerpaa.

Pilersaarut ukiuni tulluuttuni 12-ini kommunimi naleqquttumik attanneqarsinnaasumillu ineriartortitsisoqarnissaanut iluaqutaassaaq.

Aningaasatigut sulisoqarnikkullu naliliinerit

2032-mut Kommunimut pilersaarut toqqaannartumik kommunimut tunngaviatigut aningaasartuutaassanngilaq, kommunip ingerlaavartumik pilersaarusiortarneranut ilaatinneqarmat.

Inatsisitigut tunngavissaq allakkallu tunngaviusumik uppernarsaatitallit

- o Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq

Ingerlariaqqinnissaq

Kommunimut pilersaarut inaarutaasoq 2021-ip aallartinnerani politikikkut ataatsimiititanut saqqummiunneqassaaq, kingornagullu tamanut nalunaarutigineqassalluni.

Aningaasaqarnermut Allatseqarfimmit oqaaseqaatit

Kommunimut pilersaarut 2032 siuliini eqqaaneqareersutut Kommuneqarfik Sermersuumut aningaasaqarnikkut toqqaannartumik kinguneqartitsissanngilaq. Kommunimut pilersaarummi siunnersuutit takorluukkallu kommunip ukiumut missingersuusiortarneranut atatillugu sanaartugassanut aningaasaliissutaanut immikkoortukkaarlugit saqqummiunneqassapput.

Innuttaasunik peqataatitsineq/attaveqaqatigiinneq

Pilersaarummut tapiliussatut siunnersuut sapaatip-akunnerini arfineq-pingasuni tamanut tusarniaassutigineqarpoq, piffissami 14 oktobarimiit – 9 decembarip tungaanut.

Piffissami tusarniaaffiusumi Sanarfinermut Avatangiisinullu Ingerlatsiviup qitiutinneqartumik suliallit (titartaasarfiit, inerisaasut siunnersortillu allat) aalajangersakkat allannguutaat aammalu nittartakkap nutaamik aaqjissuunneqarnera pillugit paasissutissiinertalimmik ataatsimeeqatigisarpai.

Kommunimi ataatsimut pilersaarusiap paasilluarneqarnissaa qulakkeerniarlugu aamma ingerlatsivinnit assigiinngitsunit pisortaqatigiinniillu sammineqareerpoq.

Oqaaseqaatit allat

Oqaaseqaateqartoqanngilaq.

Siusinnerusukkut aalajangernerit

Sanarfinermut Avatangiisinullu Ataatsimiititaq 15. februaari 2021:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq 18. februaari 2021:

Inassuteqaat akuersissutigineqarpoq, Siumumiit ikinnerussuteqartutut ima oqaaseqaatitaqarluni: inuit asialaarfissaat aamma pingaartinneqartariaqarput.

Ilanngussat

1. Tusarniaassummut akissuteqaatinik takkuttunik suliarinninneq
2. Tusarniaanermi akissutit
3. Tusarniaanerup kingunerisaanik allannguutit allattorsimaffiat
4. <https://sermersooq.gl>

Punkt 04G: Kommunitut pilersaarummut tapiliussap 2B2-5, inuussutissarsiateqarfik Qeqertat inaarutaasumik akuersissutigineqarnera

Beslutning

Inassuteqaat akuersissutigineqarpoq.

Bilag

Tusarniaassummut akissuteqaatinik takkuttunik suliarinninneq

Tusarniaanermi akissutit

Kommunitut pilersaarummut tapiliussasatut 2B2-5, Inuussutissarsiateqarfik Qeqertat, Nuuk

Kommunimut pilersaarummut tapiliussap 2B2-5, inuussutissarsiuqarfik Qeqertat inaarutaasumik akuersissutigineqarnera

Aalajangiiffigisassaq

J.nr.: ANL-2020-00011

Sanarfinermut Avatangiisinullu Ingerlatsivik – Pisortaq Hans Henrik Winther Johansen / HHWJ

Suliassamik eqikkaaneq

Sanarfinermut Avatangiisinullu Ingerlatsivimmit kommunimut pilersaarummut tapiliussatut 2B2-5. Ilanngullugu sissami nunniornikkut nunamut atasussamik naammattumik nunaminertaqarnissaa qulakkeerneqassaaq. Taama iliornikkut ilaatigut tankeqarfiup pioreersup allilernissaanut periarfissaqalissaaq.

Ilanngullugu imarivaa aaqqissuussinermi oqaasertaasut allanngortinnissaat, aalajangersagartaanik sakkortusaataasumik.

Piffissami tusarniaaffiusumi tusarniaanermut akissutit 5-t tiguneqarput, taakkualu allannguuteqartitsinissamut tunngavissiiingillat.

Suliaq Sanarfinermut Avatangiisinullu Ataatsimiititap 2021-mi februaarip ulluisa 15-ianni ataatsimiinnerani oqaluuserineqarpoq, ataatsimiititap "Kommunimut pilersaarummut tapiliussaq 2B2-5, Inuussutissarsiuqarfik Qeqertat" akuersissutigaa suliarlu Aningaasaqarnermut Inuussutissarsiornermullu Ataatsimiititap akuersissutigisassanngorlugu kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqarluni.

Suliaq Aningaasaqarnermut Inuussutissarsiornermullu Ataatsimiititap ulloq 18. februari 2021-mi ataatsimiinnerani oqaluuserineqarpoq, Kommunemut pilersaarummut tapiliussap 2B2-5 akuersissutigaa, suliarlu Kommunalbestyrelsimut inaarutaasumik akuersissutigisassanngorlugu ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbetyrelsimut inassuteqaatigaa:

- kommunimut pilersaarummut tapiliussaq 2B2-5, inuussutissarsiuqarfik Qeqertat, Nuuk inaarutaasumik akuersissutigineqassasoq

Suliamik saqqummiussineq

Kommuneqarfik Sermersuup Illoqarfiit pingaarnersaat pillugu periusissiap Kommunalbestyrelsimut akuersissutigineqarneratigut ilaatigut Nuummi inuussutissarsiuqartut pitsanngorsaaviginissaat periarfissaannillu siuarsaaviginissaat aallutarineqarpoq. Matumani inuussutissarsiuqarfik "*nunani tamalaani, nunatsinni illoqarfimmilu suliffeqarfinnut pilerinarsarlugu*" ineriartortissavarput.

Pilersaarut pioreersoq tunngavigalugu Kommunimut pilersaarummut ilassutissatut matumuuna suliarineqarpoq makkuninnga allannguuteqartillugu:

Annertussuseq immikkuualuttuni A aamma C allanngortinneqassaaq, tankeqarfiup toqqavianut nunamut atasortaa pioreersoq 3.600 m² miss. allilerneratigut. Tankeqarfiup pioreersup sissaata kujataatungaata nunniorneratigut tamanna pissaaq.

Immikkuualuttoq B allilernerqassaaq (avannamut kangiatungaani immikkuualuttoq A annikillineratigut), immerlugu 15.000 m² miss sissaq immerneratigut taannalu talittarfeqarfimmuut atatillugu atorneqarsinnaavoq.

Immikkuualuttoq nutaaq pilersinneqassaaq, *immikkuualuttoq E*, immerneqareeripat inuussutissarsiutinik siunertalinnut, quersuaqarnermut allanulluunniit inaalitsivittut talittarfiup eqqaaniittariaqartunut atorneqarsinnaasoq. Immikkuualuttoq E sanaartorfiussaguni qummut 15 m portunerussanngilaq.

Immikkuualuttut atorneqarnerat ataasiakkaani allaaserineqassaaq:

Immikkuualuttoq A talittarfeqarnermut siunertaqassaaq.

Immikkuualuttut B, C & D talittarfeqarnermik inuussutissarsiornermut atugassanngortinneqassapput

Immikkuualuttoq E quersuaqarfittut allanulluunniit inaalitsivittut talittarfeqarfiup eqqaaniittariaqartunut siunertalinnut atugassanngortinneqassaaq.

Sanaartorfissanik nutaanik pilersitsisoqassaaq, atorneqassappatalu arlaqartut immerneqaaqartariaqarput.

Aaqqiissutissatut siunnersuut – suliaticigut naliliineq

Immikkuualuttoq 2B2 pilersikkiartuaarnera pivoq kommunalbestyrelsip takorluugaatut inuussutissarsiorfittut imminut atasumik mittarfeqarfimmit kujammut Qeqertat / Fyrø tungaanut. Kommunimut pilersaarummut ilassutissatut, Qeqertat inuussutissarsiornerup tungaatigut pitsaasumik ineriartortinneqarneranut, inuussutissarsiornerup piorsarneqarnissaanut pissusissamisoorumik alloriarnissap tullianut ilapittuutaanissaa ingerlatsivimmit nalilerneqarpoq. Kommunimut pilersaarummut ilassutit pioreersut Sikuki Nuuk Harbour sumiiffimmi atortorissaaruteqarnikkut sanaartorfissaliornikkullu pilersitsiffigereerpai aamma matuma immap / sissap nunniorneratigut nunaminertat nunamut atasut annertusitissavai taamaalilluni nutaanik sanaartorfissaqalissaaq.

Aningaasatigut sulisoqarnikkullu naliliinerit

Oqaaseqaateqanngilaq.

Inatsisitigut tunngavissaq allakkallu tunngaviusumik uppernarsaatitallit

- Pilersaarusiorneq aamma nunaminertat atorneqartarneri pillugit Inatsisartut inatsisaat nr. 17, 17. november 2010-imeersoq aamma
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq www.sermersooq2028.gl

Ingerlariaqqinnissaq

Maanna atuuppoq kommunimut pilersaarummut tapiliussaq 2B2-5 kommunimut pilersaarut 2B2-4 atorunnaarsinneqarpoq

Aningaasaqarnermut Allatseqarfimmit oqaaseqaatit

Ikke relevant.

Innuttaasunik peqataatitsineq/attaveqaatigiinneq

Pilersaarummut tapiliussatut siunnersuut sapaatip-akunnerini arfineq-pingasuni tamanut tusarniaassutigineqarpoq, piffissami 16. septembarimiit – 11. novembarip tungaanut.

Ingerlatsivinnit allaniit oqaaseqaatigineqartut

Oqaaseqaateqartitsisoqanngilaq.

Siusinnerusukkut aalajangernerit

Sanarfinermut Avatangiisinullu Ataatsimiititaq 15. februaari 2021:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq 18. februaari 2021:
Inassuteqaat akuersissutigineqarpoq.

Ilangussat

1. Tusarniaassummut akissuteqaatinik takkuttunik suliarinnineq
2. Tusarniaanermi akissutit
3. Kommunitum pilersaarummut tapiliussasatut 2B2-5, Inuussutissarsiuteqarfik Qeqertat, Nuuk

Punkt 04H: Kommunitum pilersaarummut tapiliussap 3A3-8 Ammassat, Nuuk inaarutaasumik akuersissutigineqarnera

Beslutning

Inassuteqaat akuersissutigineqarpoq.

Bilag

Tusarniaanermut akissutinik suliaqarneq

Tusarniaanermit akissutit

Kommunitum pilersaarummut tapiliussaq, 3A3-8 Ammassat, Nuuk

Kommunimut pilersaarummut tapiliussap 3A3-8 Ammassat, Nuuk inaarutaasumik akuersissutigineqarnera

Aalajangiiffigisassaq

J.nr.: ANL-2020-00017

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Sumiiffimmut Ammassannut kommunimut pilersaarummut tapiliussaq, immikkoortup ilaani 3A3-mi Paarnani inissiaqarfik immikkuualuttoq A sap.ak. 8-ni tamanut tusarniutigineqarnikuuvoq. Tusarniummut akissutit 11-t tiguneqarput, ataaserlu tusarniummut akissuteqarnissamut piffissaliussaq qaangiutereersoq tiguneqarluni. Taakku annikitsunik oqaasertaatigut taamaallaat aaqqiissuteqartitsipput. Aaqqiissutigineqartuni annerpaaq tassaalluni nutaanik quilliorfissatut sanaartorfissat pilersaarummit peerneqarnerat. Allanguutit tamarmik ilanngussami 1-imi allassimapput.

Kommunimut pilersaarutikkut naqqup ilua, qaliarpaaq, quilu atorunnaarnerisigut inissiamik allilerisoqarsinnaanera periarfissaalissaaq, sanaartorfissiallu iluani inissiat ataasiakkaat illup isuiniittut allilernerqarsinnaassallutik. Tamatuma saniatigut aneersuartaarfiit naatsiiviillu allilernerqarnissaanut aalajangersakkat oqaasertalersorneqarput. Taakku tamarmik tamakkiisumik naliliineq tunngavigalugu suliarineqarput, matumani immikkoortumut tamakkiisumut pilersaarut isikkuilu ataqqineqarlutillu attatiinnarneqassapput.

Suliaq Sanarfinermut Avatangiisinullu Ataatsimiititap 2021-mi februaarip ulluisa 15-ianni ataatsimiinnerani oqaluuserineqarpoq, ataatsimiititalu "kommunimut pilersaarummut tapiliussaq 3A3-8 Ammassat, Nuuk" akuersissutigissagaa suliarlu Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqarpoq.

Suliaq Aningaasaqarnermut Inuussutissarsiornermullu Ataatsimiititap ulloq 18. februaari 2021-mi ataatsimiinnerani oqaluuserineqarpoq, Kommunemut pilersaarummut tapiliussap 2B2-5 akuersissutigaa, suliarlu Kommunalbestyrelsimut inaarutaasumik akuersissutigisassanngorlugu ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbetyrelsimut inassuteqaatigaa:

- Kommunimut pilersaarummut tapiliussassatut siunnersuut 3A3-8 Ammassat, Nuuk inaarutaasumik akuersissutigineqassasoq

Suliassamik saqqummiussineq

Kommunimut pilersaarummut tapiliussami immikkoortoq Ammassat, immikkoortup ilaani 3A3 Ineqarfik Paarnaniittoq pineqarpoq.

Immikkoortup ilaa 3A3 Nuup avannamut kitaaniippoq, Kangillinnguit ilaaniippoq, tamaanilu illoqarfimmi atuuffinnik arlalinnik neqerooruteqarpoq pinngortitamut illoqarfimmullu qanittuulluni, ineqarfissatullu pilerigineqartuulluni.

Kommunimut pilersaarummut tapiliusseq suliarineqarpoq, immikkoortumi ullutsinnut naleqquttunik aalajangersagaliornissaq siunertaralugu, taamaalilluni ineqarfissatut pilerigineqartuaannarniassammat. Tassunga atatillugu ingerlatsivik inissiaqarfimmi sanaartorfigineqanngitsortaa pillugu, pitsaaqutaalu pillugu tamakkiisumik nalilersuivoq, aammalu inissiat qanoq ilillutik allilernerqarsinnaanersut siunissamullu qulakkeerneqarsinnaanersut, tamakkulu tamarmik sumiiffimmi illuliortaaseq immikkullu ilisarnaatai atatinneqarlutik.

Kommunimut pilersaarummut tapiliusseq imaattunik siunertaqarpoq:

- inissiat pioreersut allilerfissaqarnissaannut periarfissiinissaq, taamaasilluni immikkoortoq tamanna siunissamut qulakkeerneqarniassammat.
- immikkoortup pitsaaqutai sumiiffimmi illuliortaaseq attatiinneqassasut nukittorsarneqarlutillu - matumani oqinnerusumik illuliortaaseqarneq, annertussuseq, qaliat sivingasut, illut saqqai nallersuuttut, qalipaait atortullu.
- eqiterinissamut najoqqutassamut tunngavissaliortoqassasoq, silamilu nunaminertanut tunngasunik aalajangersaasoqassasoq, matumani quinik nutaanik sanaartorneq, aneerasaartarfinnik alliliineq naatsiivilersuinerlu.

Kommunimut pilersaarutikkut naqqup ilua, qaliarpaaq, quilu atorunnaarnerisigut inissiamik allilerisoqarsinnaanera periarfissaalissaaq, sanaartorfissiallu iluani inissiat ataasiakkaat illup isuiniittut allilernerqarsinnaassallutik. Tamatuma saniatigut aneersuartarfiit naatsiiviillu allilernerqarnissaanut aalajangersakkat oqaasertalersorneqarput. Taakku tamarmik tamakkiisumik naliliineq tunngavigalugu suliarineqarput, matumani immikkoortumut tamakkiisumut pilersaarut isikkuilu ataqqineqarlutillu attatiinneqassapput.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsiviup kommunimut pilersaarutit ilassuteqaatit siunnersuummi immikkoortup suli orniginartutut ineriartortinneqarnissaa qulakkeerneqartoq nalilerpaa, kiisalu illuliortaaseq immikkuullarissaq tamakkiisorlu attatiinneqassasoq. Ingerlatsiviup nalilerpaa kommunimut pilersaarummut tapiliusseq siunnersuut atorlugu illoqarfiup pitsaasumik ineriartortinneqarnissaa illuliortaatsikkut politikimi akuerisat malillugit aammalu kommunimut pilersaarut Sermersooq2028 naapertorlugu pissasoq.

Aningaasatigut sulisoqarnikkullu naliliinerit

Kommunimut pilersaarummut tapiliusseq namminermigut aningaasatigut kinguneqartitsissanngilaq.

Inatsisitigut tunngavissaq allakkallu tunngaviusumik uppersaatitallit

- Pilersaarusionerq aamma nunaminertat atorneqartarneri pillugit Inatsisartut inatsisaat nr. 17, 17. november 2010-imeersoq aamma
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq www.sermersooq2028.gl

Ingerlariaqqinnissaq

Kommunimut pilersaarummut tapiliusseq inaarutaasumik akuersissutigineqarnerata kingorna pilersaarummi malittarisassat taaneqartut malillugit sumiiffik ineriartortinneqassaaq.

Aningaasaqarnermut Allatseqarfimmit oqaaseqaatit

Pingaarteqanngilaq.

Innuttaasunik peqataatitsineq/attaveqaqatigiinneq

Kommunimut pilersaarummut tapiliusseq siunnersuutitut sapaatip-akunnerini arfineq-pingasuni tamanut tusarniaassutigineqarpoq, piffissami novembarip ulluisa 18-anniit januaarip ulluisa 13-ata 2021-p tungaanut.

Piffissami tusarniaaffiusumi tusarniummut akissutit 11-t tiguneqarput, ataaserlu tusarniummut akissuteqarnissamut piffissaliusseq qaangiutereersoq tiguneqarluni. Taakku annikitsunik oqaasertaatigut taamaallaat aaqqiissuteqartitsipput.

Kommunimut pilersaarummut tapiliusseq inaarutaasumik akuersissutigineqartoq tamanut saqqummiunneqassaaq kommunimut pilersaarummut nittartakkami uani www.sermersooq2028.gl

Ingerlatsivinnit allaniit oqaaseqaatigineqartut

Oqaaseqaateqartitsisoqanngilaq.

Siusinnerusukkut aalajangernerit

Sanarfinermut Avatangiisinullu Ataatsimiititaq 26. oktobari 2020:

Inassuteqaat akuersissutigineqarpoq.

Aningaasaqarnermut Inuusutissarsiornermullu Ataatsimiititaq 12. novembari 2020:

Inassuteqaat akuersissutigineqarpoq.

Kommunalbestyrelsi 24. novembari 2020:

Inassuteqaat akuersissutigineqarpoq.

Sanarfinermut Avatangiisinullu Ataatsimiititaq 15. februaari 2021:

Inassuteqaat akuersissutigineqarpoq.

Aningaasaqarnermut Inuusutissarsiornermullu Ataatsimiititaq 18. februaari 2021:

Inassuteqaat akuersissutigineqarpoq.

Ilanngussat

1. Tusarniaanermut akissutinik suliaqarneq
2. Tusarniaanermit akissutit
3. Kommunimut pilersaarummut tapiliusseq, 3A3-8 Ammassat, Nuuk

Punkt 04I: Pisortani ataatsimoorussamik ikuallaavik

Beslutning

Inassuteqaat akuersissutigineqarpoq.

Bilag

Piffissami 2021-mit 2025-mut inuussutissarsiutigut ineriartornermut pilersaarummut tunngasumik allakkiaq.

Pisortani ataatsimoorussamik ikuallaavik

Nuummi inissiinissaq

Aalajangiiffigisassaq

J.nr.: EMN-2019-01436

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Pisortani ataatsimoorussamik nutaaliaasumik ikuallaavittaarnissamut atatillugu, ingerlatsiviup ESANI A/S suleqatigalugu inissiiffiususaaq nalilersoqqissimavaa. Pissutsit assigiinngitsut ataani erseqqissaatigineqartut pissutigalugit, ikuallaavik nutaaq maannakkut ikuallaaviup eqqannguani inissinneqarsinnaassappat, aaqqiissutissatut pitsaanerpaajussaaq.

Suliaq Sanarfinermut Avatangiisinullu Ataatsimiititap februaarip ulluisa 15-ianni 2021-mi ataatsimiinnerani oqaluuserineqarpoq, ataatsimiititamiillu "Ikuallaavik pisortanit ataatsimoorusaaq" akuersissutigineqarpoq suliarlu Aningaasaqarnermut Inuussutissarsiornermullu Ataatsimiititaput akuersissutigisassanngorlugu kiisalu Kommunalbestyrelsimut akuersissutigisassanngorlugu ingerlateqqinneqarluni.

Suliaq Aningaasaqarnermut Inuussutissarsiornermullu Ataatsimiititap ulloq 18. februaari 2021-mi ataatsimiinnerani oqaluuserineqarpoq, ataatsimiititallu inassuteqaat akuersissutigaa, suliarlu Kommunalbestyrelsimut akuersissutigisassanngorlugu ingerlateqqillugu

Inassuteqaat

Aningaasaqarnermut Inuussutissarsiornermullu Ataatsimiititap Kommunalbetyrelsimut inassuteqaatigaa:

- ikuallaaviup pisortanit ataatsimoorussap siunissami inissiffissaa akuersissutigineqassasoq

Suliassamik saqqummiussineq

Nutaaliaasumik pisortani ataatsimoorussamik ikuallaavittaarnermut atatillugu, ingerlatsiviup ESANI A/S suleqatigalugu inissiiffiususaaq nalilersoqqissimavaa. Pissutsit assigiinngitsut pissutigalugit, ataani erseqqissatigineqartut, ikuallaavik nutaaq, maannakkut ikuallaaviup eqqannguani inissinneqarsinnaassappat, aaqqiissutissatut pitsaanerpaajussaaq.

1. Nunatat inuussutissarsiuteqarfiit. Isuliffimmi umiatsiat containerillu kommunip inissiiffigitittagaaniittut nuutinnerisigut, inuussutissarsiorfinnut m2-erpaaluit atugassiissutaasinnaapput. Isuliffimmi toqqaviit sanaartorfissagissarneqareerput, taamaattumillu ingerlatsiviup nalilerpaa, inissiiffiusartumik allamut, suli innaallagissamut, imermut kiassanermullu tunngatillugu sanaartorfissagissagaanngitsumut, nuutitsineq kommunimut iluaqutaanerussasoq.
2. Kommunip inuussutissarsiuteqarfiit attassinnaasumik nukissiuuteqartinnissaat qulakkiissavaa, tassami ungasianiit kiassarneq pioreersoq pitsaanerpaamik atornerqareermat aammalu Kangerluarsunnguamiit pilersuinerup ikuallaavimmit nutaamiit sinneruttumik avatangiisinut mingutsitsinnginnerusumik nukissiuutiliorfiusumit pilersueqataatinnissaa eqqarsaatigineqarmat.

3. Sanaartorfissagissaanissamut tunngatillugu pilersaarutit kommunip naleqqussarsinnaavai, taamaasillutik taakkua atuutilersinneqarsinnaammata inuussutissarsiuteqartut toqqavinnik sanaartorfissagaareersunik noqqaaneri ilutigalugit.
4. Kommunip inuussutissarsiuteqarfinnut nutaanut toqqavinnik sanaartorfissagissaanermut aningaasartuutai inuussutissarsiornermut ineriartortitsineq ilutigalugu pisassapput. Taamaalilluni sanaartorfissagissaasarnermut tunngatillugu kommunip aningaasanik pisariaqartitsinera annikillisinneqassaaq.
5. Ikuallaavimmi pioreersumi atorut pigineqareersut aannertunerusumik atorineqalersinnaapput, ikuallaaviup nutaap attassinnaasup atorineqaleriartornera ilutigalugu.

Aaqqiissutissatut siunnersuut – suliatiqut naliliineq

Ikuallaaviup pioreersup eqqaani inissiinerup kingunerissavaa kommunip ataqatigiissumik inuussutissarsiuteqarfinnik ineriartortitseqqinnissaa, kommunimut pilersaarutissami Qeqertaniit pinerluuteqarsimasunik isertitsiviup tungaanut isorartutigisumiittussami. Anguniarneqartoq tassaavoq, illoqarfimmi angallassisutit oqimaatsut ilarpasui tamassuma iluaniitinneqarsinnaanissaat, tamatumalu kingunerissallugu pitsaanersumik illoqarfimmi inuuneqarneq, aqquuserngit nungullajanninneruneri aammalu minnerunngitsumik illoqarfimmi inuussutissarsiuteqarfiit ataqatigiinnerulernissaat.

Ikuallaavik nutaaliaasoq attassisinnaasunngorlugu ingerlanneqassappat avatangiisinut tunngasunik piunasaqaatinik sukannersunik naammassinnissinnaasariaqarpoq. Avatangiisinut tunngatillugu piunasaqaatit makkua qulakkeerneqassapput:

1. Ikuallaavimmit (putsumik gasilimmik) aniatitsinerit EU-mi aniatitsinermut piunasaqaatit naapertorlugit nakkutigineqartussaapput. Ima isumaqarluni ikuallaavimmit pujoq tassaassaaq silaannarmut agguaqatigiissillugu mingutsitsinnginnerusussaavoq.
2. Ikuallaavimmit tipiliortoqassanngilaq, tassami eqqakkanik passussineq inini matoqqasuni ingerlanneqartassamat, taakkunani ataavartumik naqitsineq atorineqassalluni. Eqqakkanik katersuuffinni silaannaq aniatinneqartoq ikuallaanerup ingerlanneqarnerani atorineqartassaaq.

Ikuallaaviit nutaaliaasut attanneqarsinnaasumillu ingerlatsisut Danmarkimi amerlanertigut inuussutissarsiuteqarfiit angisuut imaluunniit inissiaqarfiit eqqannguanni inissisimasarput, taamaasilluni kissaq ikuallaavinnit pilersinneqartoq inissianut suliffeqarfinnullu eqqaaniittunut atorluarneqarsinnaaqullugu.

Pilersaarusiornermi piffissalersuinissaaq eqqarsaatigalugu inuussutissarsiuteqarfissanut nunatanik sanaartorfissagissakkanik suli amerlanerusunik atugassiisoqarsinnaavoq, ullumikkut tamakkiisumik atorineqanngitsunik. Tamanna pissaaq Qeqertani kommunip inissiiffigisartagaasa nuutinnerisigut, pilersaarummi atuuttumi kommunimut imaluunniit kommunip 100%-imik suliffeqarfiutaasa ilaannut atugassiissutaasumi. Isumaqatigiissutit inuussutissarsiuteqarfinnut imaluunniit inissiiffissatut siunertanut immikkoortinneqarput.

Immikkoortup ilaa maannakkut ikuallaaviup inissiiffissatut immikkoortinneqartoq, siunertanut immikkoorteriigaavoq, taamaattumillu nutaamik sanaartorfissaliisoqartariaqarpoq. Taamaaliornikkut

minnerunngitsumik ikuallaaviup pioreersup nutaamik sanasoqarnerata nalaani atorsinnaanera qulakkeerneqassaaq.

Aningaasatigut sulisoqarnikkullu nalliiinerit

Ilanngussaq innersuussutigineqarpoq.

Inatsisitigut tunngavissaq allakkallu tunngaviusumik uppersaatitallit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisissaat nr. 34, 9. december 2015-meersoq
- Kommunimut pilersaarut digitaliusoq www.sermersooq2028.gl

Ingerlariaqqinnissaq

2021-ip aallartisimalernerani kommunimut pilersaarummut tapiliussamik nutaamik suliaqartoqassaaq, tassuunakkut pilersaarusiornermi inatsisitigut sinaakkutissat periarfissalernerneqassallutik. Taanna 2021-imi kvartalit aappaanni politikikkut suliarineqarnissaa naatsorsuutigineqarpoq.

Aningaasaqarnermut Allatseqarfimmit oqaaseqaatit

Pingaarteqanngilaq.

Innuttaasunik peqataatitsineq/attaveqaqatigiinneq

Kommunimut pilersaarummut tapiliussaq sapaatip-akunnerini arfinilinni minnerpaamik tamanut tusarniaassutigineqassaaq, tamannalu Nuuk Ugeaviisimi nalunaarutigineqarlunilu kommunip tusarniaanermut quppersagaatigut allagarsiissutigineqassaaq.

Ingerlatsivinnit allaniit oqaaseqaatigineqartut

Oqaaseqaateqartitsisoqanngilaq.

Siusinnerusukkut aalajangerit

Sanarfinermut Avatangiisinullu Ataatsimiititap ulloq 15. februaari 2021:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq 18. februaari 2021:

Inassuteqaat akuersissutigineqarpoq.

Ilanngussat

1. Piffissami 2021-mit 2025-mut inuussutissarsiutitigut ineriartornermut pilersaarummut tunngasumik allakkiaq.

Punkt 04J: Nuussuarmi Inuusuttunut inissianik Utoqqarnullu inissianik pilersaarummut qinnuteqaammut inaarutaasumik akuersissutiginninneq

Beslutning

Inassuteqaat akuersissutigineqarpoq.

Bilag

Tusarniaassummut akissuteqaatinik takkuttunik suliarinninneq

Tusarniaanermi akissutit tiguneqartut

Ilanngussat ilanngullugit pilersaarummut qinnuteqaat

Inatsisartut inatsisaat nr. 34, 9. december 2015-imeersoq

Qulakkeerinninniarnermi najoqqutassiaq Sanarfinermut Avatangiisinullu Ingerlatsivimmit suliarineqartoq

Inibyq Aps-imit pilersaarutitut siunnersuummik nalilersuinermi immersugaq

Immikkoortup ilaani 3C2-mi nutaamik oqaluffiliornissaq pillugu ataatsimiinnermi imaqarniliaq

Pilersaarutitut siunnersuut alla, ilanngussartalik Nuuk City Invest Aps-imeersoq

Nuuk City Invest ApS-imit pilersaarutitut siunnersuummik nalilersuinermi immersugaq

Nuussuarmi Inuusuttunut inissianik Utoqqarnullu inissianik pilersaarummut qinnuteqaammut inaarutaasumik akuersissutiginnineq

Aalajangiiffigisassaq

J.nr.: ANL-2020-00012

Sanarfinermut Avatangiisinullu Ingerlatsivik – Pisortaq Hans Henrik Winther Johansen / HHWJ

Suliassamik eqikkaaneq

Nuussuarmi Inuusuttunut inissianik Utoqqarnullu inissianik pilersaarummut qinnuteqaat kommunalbestyrelsip ulloq septembarip aallaqqaataani 2020-mi ataatsimiinnermini tamanut tusarniutigisassanngorlugu akuersissutigigaa. Pilersaarutitut siunnersuut sapaatip akunnerini arfineq pingasuni piffissami septembarip 9-ani 2020-miit novembarip 4-ni 2020 tikillugu tamanut tusarniutigineqareerpoq.

Pilersaarutitut siunnersuut Inibyg-imit qinnuteqaataavoq, taannalu immikkoortup ilaani 3C2-mi aamma 3C5-imi inuusuttunut inissianik 120-nik kiisalu immikkoortup ilaani 3D1-imi utoqqarnut inissianik 65-inik sanaartorusuppoq. Tamatuma saniatigut qinnuteqartup aqqusineq Siaqqinneq allanngortinnissaa kissaatigaa aqquserngillu Peter Thorup Høeghip Aqqutaa, Nuussuaq aamma Siaqqinneq atassuserlugit kaajallattarialiornissani kissaatigalugu.

Tusarniuteqartoqarani tusarniummut akissutit tallimat kiisalu allatut siunnersuut ataaseq tiguneqarput. Tamatuma saniatigut ingerlatsivik Biskorpeqarfimmik, Qeqqani/Tunumi Provstinik kiisalu Ilinniartitaanermut, Kultureqarnermut Ilageeqarnermullu Naalakkersuisoqarfimmik ataatsimeeqateqarpoq, immikkoortup ilaani 3C2-mi oqaluffiliornissamut pilersaarutit nassuiaassutiginiarlugit, ullumikkummi immikkoortoq oqaluffeqarnermut siunertanut atugassanngortitaammat.

Tusarniummut akissutit, allatut pilersaarummut siunnersuut imaluunniit immikkoortup ilaani 3C2-mi nutaamik oqaluffiliornissaaq pillugu ataatsimeeqateqarneq annertuumik allannguinissamut sillimaffigisassaqaarnissamulluunniit pissutissiinngillat.

Ingerlatsiviup pingaarnertut nalilerpaa, pilersaarutitut siunnersuut kommunillu pingaarnertut pilersaarutaanut periusissaanullu kiisalu kommunip illuliortaatsimut politikianut naapertuulluortoq.

Suliaq Sanarfinermut Avatangiisinullu Ataatsimiititap 2021-mi februaarip ulluisa 15-ianni ataatsimiinnerani oqaluuserineqarpoq, ataatsimiititamiillu "Nuussuarmi Inuusuttunut inissianik Utoqqarnullu inissianik sanaartornissamut qinnuteqaat" akuersissutigineqarluni suliarlu Aningaasaqarnermut Inuusutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqarluni.

Suliaq Aningaasaqarnermut Inuusutissarsiornermullu Ataatsimiititap ulloq 18. februaari 2021-mi ataatsimiinnerani oqaluuserineqarpoq, ataatsimiititallu pilersaarummut qinnuteqaat akuersissutigigaa, suliarlu Kommunalbestyrelsimut inaarutaasumik akuersissutigisassanngorlugu ingerlateqqillugu.

Inassuteqaat

Aningaasaqarnermut Inuusutissarsiornermullu Ataatsimiititap Kommunalbetyrelsimut inassuteqaatigaa:

- sanaartornissamut siunnersuut suliamullu tunngatillugu ingerlariaqqinnissaq inaarutaasumik akuersissutigineqassasut

Suliassamik saqqummiussineq

Nuussuarmi Inuusuttunut inissianik Utoqqarnullu inissianik pilersaarummut qinnuteqaat kommunalbestyrelsip ulloq septembarip aallaqqaataani 2020-mi ataatsimiinnermini tamanut tusarniutigisassanngorlugu akuersissutigigaa. Pilersaarutit siunnersuut sapaatip akunnerini arfineq pingasuni piffissami septembarip 9-ani 2020-miit novembarip 4-ni 2020 tikillugu tamanut tusarniutigineqareerpoq.

Pilersaarutit siunnersuut Inbyg-imit qinnuteqaataavoq, taannalu immikkoortup ilaani 3C2-mi aamma 3C5-imi inuusuttunut inissianik 120-nik kiisalu immikkoortup ilaani 3D1-imi utoqqarnut inissianik 65-inik sanaartorusuppoq. Tamatuma saniatigut qinnuteqartup aqqusineq Siaqqinneq allanngortinnissaa kissaatigaa aqquserngillu Peter Thorup Høeghip Aqqutaa, Nuussuaq aamma Siaqqinneq atassuserlugit kaajallattarialiornissani kissaatigalugu. Pilersaarummut siunnersuut tamarmi ilanngussaq 3-mi takuneqarsinnaavoq.

Tusarniuteqartoqarani tusarniummut akissutit tallimat kiisalu allatut siunnersuut ataaseq tiguneqarput. Tamatuma saniatigut ingerlatsivik Biskorpeqarfimmik, Qeqqani/Tunumi Provstinik kiisalu Ilinniartitaanermit, Kultureqarnermut Ilageeqarnermullu Naalakkersuisoqarfimmik ataatsimeeqateqarpoq, immikkoortup ilaani 3C2-mi oqaluffiliornissamut pilersaarutit nassuiaassutiginiarlugit, ullumikkummi immikkoortoq oqaluffeqarnermut siunertanut atugassanngortitaammat.

Tusarniummut akissutit, allatut pilersaarummut siunnersuut imaluunniit immikkoortup ilaani 3C2-mi nutaamik oqaluffiliornissaq pillugu ataatsimeeqateqarneq annertuumik allannguinissamut sillimaffigisassaqaarnissamulluunniit pissutissiinngillat.

Immikkoortup ilaani 3C2- oqaluffik pillugu ataatsimiinneq

Biskorpeqarfimmik, Qeqqani/Tunumi Provstinik kiisalu Ilinniartitaanermit, Kultureqarnermut Ilageeqarnermullu Naalakkersuisoqarfimmik ataatsimeeqateqarnermi, sinniisuutitaasut immikkoortup ilaani 3C2-mi siulliusussaatitaanertik atorunnaarsippaat, ukiunimi ukiorpaalunni tulluuttuni nutaamik oqaluffiliornissaq piviusorsiuussagaanni akissaqartinneqanngilaq. U. 9.12.2020-mi ataatsimiinnermi imaqaarniliaq suliassamik saqqummiussinermi ilanngussaq 7-itut ilanngunneqarpoq.

Siorarsiorfimmimma qalaluunniit illoqarfiup ilaani allami inissiffissaqqissorsiornermullu suleqatigiissutigilluarneqarumaartoq ataatsimiinnermi ingerlatsivimmit oqariartuutigineqarpoq.

Pilersaarutit siunnersuut alla

Nuuk City Invest tusarniaanerup ingerlanerani pilersaarutit siunnersuummik allamik nassiussivoq, "Nuussuaq – inissiaqarfik". Pilersaarummut qinnuteqartup kissaatigaa, Nuussuarmi immikkoortup ilaani 3C2-mi, 3C5-imi aamma 2D3-mi ilinniartunut kisimiittunut/aappariinnut, ilaqutariinnut aamma utoqqarnut 94-inik inissialiornissaq, ininik ataatsimoorfissanik ilallit. Pilersaarutit siunnersuut

10.000 m2 tamakkiisumik annertussuseqarpoq. Qinnuteqartorlu silami nunaminertamik ineqartunut, Nuummilu innuttaasunut tamanut, timigissarnermut sammisassaqartitsinernullu atorneqarsinnaasumik pilersitsinissamik kissaateqarpoq. Tamatuma saniatigut qinnuteqartup aqqusineq Siaqqinneq allanngortinnissaa kissaatigaa aqquserngillu Peter Thorup Høeghip Aqqutaa, Nuussuaq aamma Siaqqinneq atassuserlugit kaajallattarialiornissani kissaatigalugu. Pilersaarutitut siunnersuut tamakkerlugu ilanngussaq 8-mi takuneqarsinnaavoq.

Sumiiffimmut pineqartumut assinganik siunertaqartumik siornatigut qinnuteqarnikuuvoq, ingerlatsivimmiilli inassuteqaat tunngavigalugu ataatsimiititap aalajangernikuullugu tamanut tusarniutigineqassanngitsaq. Ingerlatsiviup siornatigut pilersaarummut qinnuteqaammut immikkoortut isornartissimasai pilersaarutitut qinnuteqaammut iluarsisamut ilanngunneqarsimapput, matumuunalu pilersaarutitut qinnuteqaat nutaatut nassiunneqarluni.

Ingerlatsiviup qulakkeerinninniarnermi najoqqutassiaa nalilersuinermilu immersugassaq malillugit Inibygimiit pilersaarutitut siunnersuut alla kinaassusersiunngitsumik piviusorsiortumillu piunasaqaatit naapertorlugit ingerlatsivimmit nalilersorneqareerpoq. Pilersaarutit marluusut nalilersorneqarnerat ilanngussani 6-imi aamma 9-mi atuarneqarsinnaapput. Matuma kinguliini pilersaarutit sanilliunneqarnerat ingerlatsiviullu pilersaarutitut pitsaanerpaatut naliliinera pineqarput.

Pilersaarutitut siunnersuutit sanilliunneqarnerat:

A: Inibyg inuusuttunut inissianik 120-nik utoqqarnullu inissianik 65-inik kiisalu illu ataatsimoortarfissaq ataatsimut katillugu 13.700 m2 sanaartornissamik kissaateqarpoq.

B: Nuuk City Invest ilinniartunut kisimiittunut/aappariinnut, ilaqutariinnut aamma utoqqarnut 94-inik inissialiornissaq, ininik ataatsimoorfissanik ilallit ataatsimut katillugu 10.000 m2 sanaartornissamik kissaateqarpoq.

A+B: Pilersaarutitut siunnersuutit marluullutik immikkoortut ilaani 3C2-mi 3C5-imilu illoqarfiup qeqqani siunertanut atugassiani inissisimapput. Inibygip utoqqarnut inissiat immikkoortup ilaani 3D1-imiitippai aamma Nuuk City Investip immikkoortup ilaani 2D3-mi inissiat arlallit inississimallugit. Immikkoortup ilai 3D1 aamma 2D3 sukisaarsaarfissatut illoqannginnersassatullu atugassiannngortitaapput. Taamaattorli ingerlatsivimmit nalilerneqarluni, sukisaarsaarfissat pilersaarutinit marluusunit allanngortinneqassanngitsut.

Ataqatigiinnissaannut tunngasut

A: Sanaartukkat tassaapput illut takisuut assigiimmik sivinganilimmik qaliallit assigiinngitsunik takissusillit 2-nik, 3-nik 4-nillu quleriiaartut. Pilersaarutitut siunnersuummi sanaartukkat pioreersut sannai angissusiilu malillugit sanaartortoqassaaq.

B: Nuuk City Investimit pilersaarutitut siunnersuummi pineqarluni 3-nik 5-inillu (6) quleriilinnik sanaartorneq. Sanaartukkat ilusiligaanerat illuinnaanullu sivingasumik qaliaqarnerat immikkuullarissuliaapput, sanaartugaareersunullu assingusuliaanatik.

Nunaminertat illoqannginnersat

A: Inibygimiit pilersaarutitut siunnersuummi nunatamut naapertuuttumik sanaartukkat inissitaapput, silami periarfissat nassuiarlugaallutik aamma inissiaqarfiup nunaminertaa ersarissumik nalunaaqutsersugaalluni. Taamatullu aamma illut akornanni silami periarfissat assigiinngisitaartuupput, sammisassanullu assigiinngitsunut aamma inuit

naapeqatigiiffigisinnaasaannik periarfissaqarluni. Avatangiisini periarfissatsialaat aamma tassaallutik sammisassaqaarneq, soorlu immikkoortup ilaani 3C2-mi qaqqap qaavaniit isikkivik aamma immikkoortup ilaani 3D1-imi tatsimi ikaartarfik.

B: Nuuk City Investimit pilersaarutitut siunnersuummi sanaartukkat aqquuserngup killingani innaarsuttamut inissineqarsimapput, silamiiffissallu illoqarfiup sinneranut atassuserneqarsimallutik. Inissiaqarfimmut immikkoortumik avannaatungaaniit kangiatungaaniillu aqquteqarnissaa kiisalu aqqusinermi pingaarnermi angallattut ersarissumik immikkooruteqarnissaat amigaataavoq. Inissiaqarfimmut apuuffissaq tassanngaannartumik pinissaa takorloornarpoq.

Qoorortami qorsooqqinnersami inissiat immikkut tamarmik salliarnartalersukkani aneerfissatut fitnessertarfilersukkanik pinnguartarfilersukkanillu ataatsimoorfissalersorneqarsimapput. Taakkulu assigiiaarpallaartutut isikkoqassapput, timersorusuttuniillu pinnguarusuttuniillu kisimi atorneqarsinnaassallutik. Silami assigiinngisitaartuutitsineq aamma eqqissilluni oqaloqatigeerujoorlunilu uninngaarfiusinnaasut pilersaarummi amigaataapput.

Inuiaqatigiinnut (illoqarfimmiunut) tunniussaq

A: Taamatuttaaq immikkoortumi najugaqartunut kiffartuussivik tamanut ammasumik cafertalik sammisassaqaartitsivik pilersinneqassaaq.

B: Nuuk City Investip pilersaarutitut siunnersuutaani sammisassaqaartitsivimmut atatillugu silami fitnessertarfeqarpoq.

A+B: Pilersaarutitut siunnersuutini tamarmik marluullutik kissaatigaat, aqqusineq Siaqqinneq allangortinneqarnissaa aqquuserngillu Peter Thorup Høeghip Aqqutaa, Nuussuaq aamma Siaqqinneq kaajallattariamik ataqatigiilersinneqarnissaat, taamalu immikkoortumi angallanneq pitsaanerulersinneqarluni.

Pilersaarutitut siunnersuutit ataatsimut nalilersorneqarnerat

Pilersaarutitut siunnersuut Inibygimeersoq ataatsimut isigalugu iluarisimaarnarnerullunilu eqqarsaatigilluagaavoq. Pilersaarummi pineqartut ulluinnarni atugassarititaasut eqqumaffigalugit ilanngunneqarsimapput, sumiiffimmilu pitsaaqutit siunnersuummi atorluarneqarsimallutik. Ingerlatsiviup nalilerpaa, Inibygip pilersaarutitut siunnersuusaa illoqarfimmut Nuummiunullu iluaqutaanerussasoq, pilersaarutitullu siunnersuutini tiguneqartuni pitsaanerpaajusoq.

Aaqqiissutissatut siunnersuut – suliatigut naliliineq

Immikkoortuni eqiterisoqarsinnaasoq ingerlatsivimmit pingaarnertut naliliisoqarpoq, Inibygip pilersaarutitut siunnersuutaanisut Nuummi taama amigaatigineqartigisut soqtiginnittoq inuusuttunut inissianik utoqqarnullu inissianik sanaartorumasoq assut pitsaasuvoq. Tamatuma saniatigut aqqusinermi angallattut allangortinneqarnissaat taamalu immikkoortumi angallattunut pitsanngorsaaneq tamanullu isumannaallisaaneq pitsaasuvoq. Ingerlatsivik annikitsunik ataasiakkaanik pilersaarummut siunnersuummut immikkoortunik isornartorsiuutissaqarpoq, taamaattorli kommunip pingaarnertut pilersaarutaanut kiisalu kommunip illuliortaatsimut politikianut naapertuuttusoq ingerlatsiviup nalilerlugu.

Aningaasatigut sulisoqarnikkullu naliliinerit

Pilersaarummut tunngaviusunut kiisalu sanaartornermut, tassungalu ilanngullugu aqquserngup allannguivigineqarneranut atatillugu aningaasartuutit soqutigisallip tamaasa nammineq isumagissavai.

Inatsisitigut tunngavissaq allakkallu tunngaviusumik uppersaatitallit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisissaat nr. 34, 9. december 2015-imeersoq
- Kommunitum pilersaarut digitaliusoq www.sermersooq2028.gl

Ingerlariaqqinnissaq

Pilersaarusiorneq Inatsisip allanngortinnerata nutaap ingerlanera ima nassuiarneqarsinnaavoq: Kommunalbestyrelsen maanna isummerfigissavaa, pilersaarummut nunaminertamik atugassiisoqassanersoq, atugassiisoqassappallu ukiut marluk tikillugit atuutissaaq. Pilersaarummik piginnittuusoq ukiut marluk ingerlanerini kommunimut pilersaarummut tapiliussaliaq naammassereersimassavaa. Kommunitum pilersaarummut tapiliussaliaq inaarutaasumik akuersissutigineqareerpat, nunaminertamik atuinissamut akuersissuteqartoqassaaq, kingornagullu sanaartornissamut akuersissuteqartoqarluni.

Kommunalbestyrelsen nalilerpagu, Nuuk City Investimit pilersaarutit siunnersuut tiguneqarsimasoq pitsaanerusoq, ingerlatsiviup innersuussutigissavaa taanna sap. ak. 8-ni tamanut tusarniutigineqassasoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqaatissaqanngilaq.

Innuttaasunik peqataatitsineq/attaveqaqatigiinneq

Tamatuma saniatigut pilersaarutit siunnersuut Nuuk Ugeavis aammalu kommunip nittartagaa aqqutigalugit saqqummiunneqarnikuuvoq, kiisalu atortussat pilersaarummut tunngassuteqartut tamanit pissarsiarineqariaannaasimallutik.

Tusarniaanerup ingerlanerani pilersaarut pillugu innuttaasunut kikkunnulluunniit Katuami ataatsimiititsisoqarpoq.

Ingerlatsivinnit allaniit oqaaseqaatigineqartut

Piniarneqanngilaq.

Siusinnerusukkat aalajangerit

Sanarfinermut Avatangiisinullu Ataatsimiititaq ulloq 15. februaari 2021:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq 18. februaari 2021:

Inassuteqaat akuersissutigineqarpoq.

Ilanngussat

1. Tusarniaassummut akissuteqaatinik takkuttunik suliarinnineq
2. Tusarniaanermi akissutit tiguneqartut
3. Ilanngussat ilanngullugit pilersaarummut qinnuteqaat
4. Inatsisartut inatsisissaat nr. 34, 9. december 2015-imeersoq

5. Qulakkeerinninniarnermi najoqqutassiaq Sanarfinermut Avatangiisinullu Ingerlatsivimmit suliarineqartoq
6. Inibyg Aps-imit pilersaarutitut siunnersuummik nalilersuinermi immersugaq
7. Immikkoortup ilaani 3C2-mi nutaamik oqaluffiliornissaq pillugu ataatsimiinnermi imaqarniliaq
8. Pilersaarutitut siunnersuut alla, ilanngussartalik Nuuk City Invest Aps-imeersoq
9. Nuuk City Invest ApS-imit pilersaarutitut siunnersuummik nalilersuinermi immersugaq

Punkt 04K: Sinerissap qanittuani aalisarneq pillugu immikkoortumut pilersaarut

Beslutning

Inassuteqaat akuersissutigineqarpoq.

Bilag

Tusarniaanermut akissutitik suliaqarneq

Tusarniaanermi akissutit tiguneqartut

Sinerissap qanittuani aalisarneq pillugu immikkoortumut pilersaarut

Sinerissap qanittuani aalisarneq pillugu immikkoortumut pilersaarut

Umiatsiaararsorluni aalisarnermi tunngaviumik periarfissat

Aalajangiiffigisassaq

J.nr.: EMN-2019-00081

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Sinerissap qanittuani aalisarneq pillugu immikkoortumut pilersaarut sapaatip akunnerini qulini tamanut tusarniutigineqarnikuuvoq. Tamatuma saniatigut sapaatip akunnerini sisamani kattuffinnut soqutigisaqatigiinnut tusarniutigineqarpoq, taakkununga ilaallutik KNAPK aamma NAPP. Piffissami tusarniaaffiusumi tusarniaanermut akissutit pingasut tiguneqarput, taakkulu aaqqissuisoqarfimmi oqaaseqatigiinnik annikitsunik allannguuteqartitsinermik kinguneqarput.

Sinerissap qanittuani aalisarneq pillugu immikkoortumut pilersaarut siunertaraa, kommunimi umiatsiaararsorluni aalisartut atortutigit atugarisaasa periarfissaasalu ersarissarneqarnissaat, tullinguullugulu kommunip atortorissaarutaasa periarfissaasalu pitsanngorsarneqarnissaat imaluunniit atorunnaarsikkiartuaartinnissaat. Taamaalluni immikkoortumut pilersaarut qinikkat suliassaqarfimmut tunngatillugu aalajangernissaannut ineriartortitsinissaannullu sakkussaallunilu tunngavissaavoq.

Immikkoortumut pilersaarut saqqummiunneqarpoq kommunimi illoqarfinni nunaqarfinnilu assigiinngitsuni periarfissarititaasunik misissuisitsineq tunngavigalugu. Tamanna maannakkut pissutsinik tamakkiisumik takussutissiivoq. Suliap ingerlanerani matumani soqutigisaqartut najukkani piniartut peqatigiiffiik ataatsimeeqateqartarput, soqutigisaqartullumi aamma kissaatigisanik assigiinngitsunik pingaarnersuineri peqataatneqarput. Tamanna pereermat kommunip sanaartugassanut missingersuutaanut ilanngullugit suliarineqassapput.

Suliaq Sanarfinermut Avatangiisinullu Ataatsimiititap 2021-mi februaarip ulluisa 15-ianni ataatsimiinnerani oqaluuserineqarpoq, ataatsimiititallu "Sinerissap qanittuani aalisarneq pillugu immikkoortumut pilersaarut" akuersissutigaa suliarluk akuersissutigisassanngorlugulu Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut inaarutaasumik akuersissutigisassanngorlugulu ingerlateqqinneqarluni.

Suliaq Aningaasaqarnermut Inuusutissarsiornermullu Ataatsimiititap ulloq 18. februari 2021-mi ataatsimiinnerani oqaluuserineqarpoq, ataatsimiititallu "Sinerissap qanittuani aalisarneq pillugu immikkoortumut pilersaarut" akuersissutigaa, suliarluk Kommunalbestyrelsimut inaarutaasumik akuersissutigisassanngorlugulu ingerlateqqillugu.

Inassuteqaat

Aningaasaqarnermut Inuusutissarsiornermullu Ataatsimiititap Kommunalbetyrelsimut inassuteqaatigaa:

- sinerissap qanittuani aalisarneq pillugu immikkoortumut pilersaarut inaarutaasumik akuersissutigineqassasoq

Suliassamik saqqummiussineq

Sinerissap qanittuani aalisarneq pillugu immikkoortumut pilersaarutip siunertaraa, kommunimi umiatsiaararsorluni aalisartut atortutigut atugarisaasa periarfissaasalu ersarissarneqarnissaat, tullinguullugulu kommunip atortorissaarutaasa periarfissaasalu pitsanngorsarneqarnissaat imaluunniit atorunnaarsikkiartuatainnissaat. Taamaalilluni immikkoortumut pilersaarut qinikkat suliaasaqarfimmuut tunngatillugu aalajangernissaannut ineriartortitsinissaannullu sakkussaallunilu tunngavissaavoq.

Immikkoortumut pilersaarut saqqummiunneqarpoq kommunimi illoqarfinni nunaqarfinnilu assigiinngitsuni periarfissarititaasunik misissuisitsineq tunngavigalugu. Tamanna maannakkut pissutsinik tamakkiisumik takussutissiivoq. Suliap ingerlanerani matumani soqutigisaqartut najukkani piniartut peqatigiiffiinik ataatsimeeqateqartarput, soqutigisaqartullumi aamma kissaatigisanik assigiinngitsunik pingaarnersiuiinermi peqataatinneqarput. Tamanna pereermat kommunip sanaartugassanut missingersuutaanut ilanngullugit suliarineqassapput.

Immikkoortumut pilersaarummi nalunaarsuinerit tunngavigalugit naalakkersuinikkut ataqatigiissaarisartoqatigiit suleqatigalugit kommunimi nunap immikkoortuini tamani suliniutissanik pingaarnersiuisoqarsimavoq. Taakkua nunaqarfinni aqutsisut assigiinngitsut immersuineri tunngavigalugit pitsanngorsaatissatut siunnersuutit pingaarnersiorlugit tulleriaarnerinik allattuisimapput.

Taamaalilluni immikkoortumut pilersaarutip imarivai pingaarnertut takorluukkat, pissutsit tunuliaqutaasut aammalu tamakkua qanoq ilillugit ineriartortinneqassanersut pillugit pilersaarut. Taamaalilluni immikkoortumut pilersaarut siunissami anguniagassanut, aningaasaliissuteqarnissanut, ingerlatsinermut immaqalu piginnittuunermut tunngasunut tunngavissatut atorneqarsinnaavoq.

Aaqqiissutissatut siunnersuut – suliatigut naliliineq

Immikkoortumut pilersaarut sinerissap qanittuani aalisartut maannakkorpiaq atugarisaannik, suliniutillu suut atugarisanik pitsanngorsaanissamut pingaarnersiorneqarsinnaanerinik ersersitsisuuvoq. Aamma pilersaarummi pitsanngorsaatissatut siunnersuutit arlallit qanoq akeqassanersut missiliuusiorneqarnikuuvoq. Taamaalilluni immikkoortumut pilersaarut qinikkat aalajangiinissaannut tunngaviusumik sakkussatut tulliullugulu missingersuusiornissamut atorneqassaaq.

Aningaasatigut sulisoqarnikkullu naliliinerit

Immikkoortumut pilersaarut ingerlatsiviup kommunimut pilersaarutininik ingerlatsinerisa ilagivaat, kontulu taanna annertunerusumik artukkerneqassanngilaq.

Inatsisitigut tunngavissaq allakkallu tunngaviusumik uppernarsaatitallit

- Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. novembari 2010-meersoq
- Umiarsualiviit pillugit Inatsisartut inatsisaat nr. 9, 3. juni 2015-imeersoq
- SIKUKI Nuuk Harbour A/S aamma Nuummi umiarsualiviliorneq pillugu Inatsisartut inatsisaat nr. 17, 3. juni 2015-imeersoq
- Imaani avatangiisit illersorneqarnissaat pillugu Inatsisartut inatsisaat nr. 15, 8. juni 2017-imeersoq
- Kommunimut pilersaarut digitaliusoq www.sermersooq2028.gl

Ingerlariaqqinnissaq

Immikkoortumut pilersaarut akuersissutigineqareersutut nalunaarutigineqassaaq, kommunillu nittartagaani aamma kommunimut pilersaarummi pissarsiarineqarsinnaanngortinneqassalluni.

Aningaasaqarnermut Allatseqarfimmit oqaaseqaatit

Oqaatigineqassaaq immikkoortumut pilersaarut suliassanik aningaasaliiffigineqartussanik kinguneqarsinnaammat. Erseqqissaatigineqassaaq, suliassaasinnaasunut maannakkorpiaq missingersuutitigut immikkoortitsisoqarnikuunngimmat, aammalu aningaasaliissuteqartoqassappat politikkikkut immikkut isummertoqassammat.

Innuttaasunik peqataatitsineq/attaveqaqatigiinneq

Siunnersuutip suliarineranut atatillugu, aqutsisoqatigiinnik pilersitsisoqarpoq, assigiinngitsunik sulialinnik inuttaqartumik. Tamatuma kingornagut siunnersuut soqutigisallit assigiinngitsut iluanni tusarniaassutigineqarpoq, nunaqarfinni aqutsisut ilanngullugit.

Tamanut tusarniaassutigineqarnera Nuuk Ugeaviisikkut, Paamiuni Tasiilamilu allagarsiivitsigut, aammalu nunaqarfiit tamat allaffiisigut nalunaarutigineqarnikuuvoq. Aammattaaq kommunip nittartagaasigut nalunaarutigineqarnikuuvoq, kingullertullu tusarniutigineqarnerani sivitsuinikkut kattuffinnut soqutigisaqaaqatigiinnut nassiunneqarnikuulluni.

Ingerlatsivinnit allaniit oqaaseqaatigineqartut

Piniarneqanngilaq.

Siusinnerusukkut aalajangernerit

Sanarfinermut Avatangiisinullu Ataatsimiititap ulloq 15. februaari 2021:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititap 18. februaari 2021:

Inassuteqaat akuersissutigineqarpoq, Siumumiit ikinnerussuteqartutut ima oqaaseqaatitaqarluni: Nuummumut tunngatillugu Puulukip nuuata kangerluani aalisartut piniartullu puttasui ikkunneqarnissaat eqqarsaatigalugu Neqitaq aammalu NAPP peqatiserineqarnissaat kissaatigineqarpoq.

Ilanngussat

1. Tusarniaanermut akissutininik suliaqarneq
2. Tusarniaanermi akissutit tiguneqartut
3. Sinerissap qanittuani aalisarneq pillugu immikkoortumut pilersaarut

Punkt 04L: Nuup Kangerluani qipoqqarnik pisaqarnissamut pissaanissamullu inerteqqutinut tunngatillugu ileqqoreqqusaq

Beslutning

Lone Rosengreen Pedersen (IA) ini qimappaa.

Inassuteqaat amerlanerussuteqartunit akuersissutigineqarpoq.

Siumumit ikinnerussuteqartutut oqaaseqaat: Siumuminngaanniit aalajangiiffigisassaq itigartinneqarpoq. FN-mi nunap inoqqaavisa pisinnaatitaaffii misissorneqarnissaat aammalu aningaasatigut nalimmassaanissaq paasissutissallu amigarmata qinigaaffiup tulliani aalajangiiffigisassap sammineqarnissaa Siumumit kissaatigineqarpoq.

Bilag

Kommunimi ileqqoreqqusanut siunnersuut nutartigaq

Nuup Kangerluani kommunimi ileqqoreqqusanut nunap assingi ilanngussat.

Indkomne h ringssvar

Tusarniutitik akissutit tusarniaaneq kingunerani tigusaq

Nuup Kangerluani qipoqqarnik pisaqarnissamut pissaanissamullu inerteqqutinut tunngatillugu ileqqoreqqusaq

Aalajangiiffigisassaq

J.nr.: 75.20

Suliffeqarfimmut Kiffartuussivik – Kommunaldirektøri Lars Møller-Sørensen / LMS

Suliassamik eqikkaaneq

Nuup Kangerluani qipoqqarnik eqqissimatitsinissamut kommunip ileqqoreqqusaatut siunnersuut maanna sapaatit-akunnerini sisamani tusarniaassutigineqareerpoq.

Piffissami tusarniaaffiusumi tusarniaanermi akissuteqaatit 27 tiguneqarput, taakkunannga 26 akuersillutik kingulleq Nuummi Aalisartut Piniartullu Peqatigiiffiat NAPP akerliullutik.

Tusarniaassummut akissuteqartumit ataatsimit bundgarnersortarnermut tunngatillugu kipiluttunartoqartoq erseqqissaatigineqarpoq.

Tusarniaassummut akissuteqartup Nuup Kangerluani qippoqqarnik eqqissimatitsinissaq isumaqatigalugu nalunaarutigaa.

Arlaannaalluunniit allannguutissanik siunnersuuteqaanngillat imaluunniit malunnartunik sillimaniarnissamut tunngasunik saqqummiussaqaanngillat.

Suliaq Aningaasaqarnermut Inuusutissarsiornermullu Ataatsimiititap 2021-mi januaarup ulluisa 14-ianni ataatsimiinnerani oqaluuserineqarpoq, tassanilu suliaq tusarniaassutigineqassasoq ataatsimiititap akuersissutigaa.

Kommunalbestyrelsip suliaq 2021-mi januaarip ulluisa 26-anni oqaluseraa suliarlu tamanut tusarniaassutigisassanngorlugu.

Suliaq Aningaasaqarnermut Inuusutissarsiornermullu Ataatsimiititap marsip aallaqqaataani 2021-mi ataatsimiinnerani oqaluuserineqarpoq, inassuteqaat amerlanerussuteqartunit akuersissutigineqarpoq suliarlu Kommunalbestyrelsimut akuersissutigisassanngorlugu ingerlateqqillugu.

Inassuteqaat

Aningaasaqarnermut Inuusutissarsiornermullu Ataatsimiititap Kommunalbestyrelsimut inassuteqaatigaa:

- tusarniaassummut akissuteqaatit tiguneqartut allaaserineqarneri qulaaniittut tunngavigalugit Nuup Kangerluani qipoqqarnik eqqissimatitsinissaq pillugu kommunip ileqqoreqqusassaatut siunnersuut akuersissutigineqassasoq

Suliassamik saqqummiussineq

Nuup Kangerluani qipoqqarnik arfernillu sumiiffinnaalinnik pisaqarnissamut pissaanissamullu inerteqquteqalernissaq pillugu kommunalbestyrelsimut ilaasortaq Michael Rosing septembarip ulluisa 19-ianni 2019-imi kommunalbestyrelsimut aalajangiiffigisassatut siunnersuummik nassiussivoq.

Suliffeqarfimmut Kiffartuussivik Nuup Kangerluani qippoqqarnik arfernillu nikinneq ajortunik allanngutsaaliuineri ileqqoreqqusassamik siunnersuusiorpoq.

Nuup Kangerluani qipoqqarnik eqqissimatitsinissamut kommunip ileqqoreqqusaatut siunnersuut maanna sapaatit-akunnerini sisamani tusarniaassutigineqareerpoq.

Piffissami tusarniaaffiusumi tusarniaanermut akissuteqaatit 27 tiguneqarput, taakkunannga 26 akuersillutik kingulleq Nuummi Aalisartut Piniartullu Peqatigiiffiat NAPP akerliullutik.

Tusarniaassumut akissuteqartumit ataatsimit bundgarnersortarnermut tunngatillugu kipiluttunartoqartoq erseqqissaatigineqarpoq.

Arlaannaalluunniit allannguutissanik siunnersuuteqanngillat imaluunniit malunnartunik sillimaniarnissamat tunngasunik saqqummiussaqaanngilat.

Suliaq Aningaasaqarnermut Inuussutissarsiornermullu Ataatsimiititap 2021-mi januaarup ulluisa 14-ianni ataatsimiinnerani oqaluuserineqarpoq, tasanilu suliaq tusarniaassutigineqassasoq ataatsimiititap akuersissutigaa.

Kommunalbestyrelsip suliaq 2021-mi januaarip ulluisa 26-anni oqaluseraa suliarlu tamanut tusarniaassutigisassanngorlugu.

2021-mi februaarip ulluisa 23-at aallarnerfigalugu bundgarnersorluni aalisarnissamat qinnuteqaatinik takkuttoqanngilaq, bundgarnersorlunilu aalisarnissamat qinnuteqarfissaq februaarip ulluisa aallaqqaataannut killilerneqarnikuulluni.

Aaqqiissutissatut siunnersuut – suliatigut naliliineq

Nuup Kangerluani qipoqqarnik arfernillu sumiiffinnaalinnik pisaqarnissamat pissaanissamullu inerteqquteqalernissaq pillugu kommunimi ileqqoreqqusaliorneq Kommuneqarfik Sermersuumi qippoqqarnik piniarnerup tamarmi inerteqqutaalerneranik isumaqanngilaq - llanngussaq 2 naapertorlugu Nuup Kangeluanit taamaallaat atuutissaaq.

Bundgarnersorluni aalisarnermut kommunip ileqqoreqqusai naapertorlugit bundgarnit atornissaannut qinnuteqaat kingusinnerpaamik februaarip ulluisa aallaqqaataanni tunniunneqassaaq - ullorlu februaarip ulluisa 23-at aallarnerfigalugu qinnuteqaatinik tunniussisoqanngilaq.

Aningaasatigut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviusumik uppernarsaatitalit

- Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 9, 6. december 2018-imeersumi kap. 10, §3 4 (Kommunit ileqqoreqqusaat).

Ingerlariaqqinnissaq

Aningaasaqarnermut Inuussutissarsiornermullu Ataatsimiititap siunnersuut akuersissutigippagu, suliaq Kommunalbestyrelsimi akuersissutigineqarnissaanut ingerlateqqinneqassaaq. Tamatuma kingorna siunnersuut akuersissutigineqartoq Namminersorlutik Oqartussani nalunaarutigineqartussatut ingerlateqqinneqassaaq.

Inatsisitigut immikkoortortap kingullermik misissuineranit allannguuteqartoqarnikuunngimmat siunnersuut Namminersorlutik Oqartussanut nutarterniarneqassanngilaq. Namminersorlutik Oqartussat mailikkut allagaqaammi tamanna akuerivaa.

Aningaasaqarnermut Allatseqarfimmit oqaaseqaatit

Oqaaseqaateqartoqanngilaq.

Innuttaasunik peqataatitsineq/attaveqatigiinneq

Siunnersuut ulluni 28-ni tamanut tusarniaassutigineqarpoq 2021-milu februaarip ulluisa 26-annut killeqarluni.

Ingerlatsivinnit allaniit oqaaseqaatigineqartut

Ingerlatsivinnit allaniit oqaaseqaatitsiniartoqanngilaq.

Siusinnerusukkut aalajangernerit

Aningaasaqarnermut Inuusutissarsiornermullu Ataatsimiititaq 14. januaari 2021

Inassuteqaat akuersissutigineqarpoq, inassuteqaatini siulleq imatut allannguutitalerlugu: Nuup kangerluani qippoqarnik pisaqarnissamut pissanissamullu inerteqqutinut tunngatillugu Kommunimi ileqqoreqqusassatut siunnersuut tusarniaassutigineqarnissaa akuersissutigineqassasoq.

Kommunalbestyrelsi 26. januaari 2021

Lone Rosengreen Pedersen (IA) ataatsimiinneq qimappaa.

Inassuteqaat akuersissutigineqarpoq.

Aningaasaqarnermut Inuusutissarsiornermullu Ataatsimiititaq 1. marts 2021

Inassuteqaat amerlanerussuteqartunit akuersissutigineqarpoq.

Siumumit ikinnerussuteqartutut oqaaseqaat: Siumuminngaanniit aalajangiiffigisassaq itigartinneqarpoq. FN-mi nunap inoqqaavisa pisinnaatitaaffii misissorneqarnissaat, aningaasatigut nalimmassaanissaq paasissutissallu amigarmata qinigaaffiup tulliani aalajangiiffigisassap sammineqarnissaa Siumumit kissaatigineqarpoq.

Ilanngussat

1. Kommunimi ileqqoreqqusanut siunnersuut nutartigaq
2. Nuup Kangerluani kommunimi ileqqoreqqusanut nunap assingi ilanngussat.
3. Tusarniutininik akissutit
4. Tusarniutininik akissutit tusarniaaneq kingunerani tigusaq

Punkt 5: Taasariaqartut allat

Beslutning

Inge Olsvig Brandt (IA): Ukiuni sisamani qinigaaffimmi nuannersumik aammalu ilinnarfiusimasumik suleqatigiissimanermit angusarpassuarnullu qujassuteqarpoq. Taamatutaaq Suliffeqarnermut Isumaginninnermullu ataatsimiititami siulittaasutut politikikkut suliniutit annertuut anguneqarsimaneranut Ingerlatsivimmuut aammalu sulisunut qujassuteqarpoq.

Peter Davidsen (S): Paamiuni kalaaliaqqamut tunngasumut oqaaseqarpoq. Aningaasaqarnermut Inuusutissarsiornermullu ataatsimiititap ukioq kingulleq angalareernerata kingorna januarimi Ataatsimiititap ataatsimiinnerani Kommuneqarfik Sermersuumi kalaaliaqqanut tunngatillugu atugassarititaasut assigiissaarneqarlutik nalimmassarneqarnissaannut kiissaatigisimasani qaqeqqippaa, kissaatigalugulu tamanna naammassineqassasoq.

Taamatutaaq Siumut-gruppi sinnerlugu tunuliaqutaasarsimasunut aammalu kommunalbestyrelsimi ataatsimiititanilu suleqatigiissimanermit qujassuteqarpoq. Siunnersuutit Siumumiit 250 sinnerlugit ingerlanneqartarsimasut oqaatigaa, naak annerpaatai itigartinneqartarsimagaluartut. Naggataagullu atorfilittanut qujassuteqarpoq, ersarissaasutigalugulu oqariartuutit sakkortulaartumik apuunneqartarsimagaluartut eqqortumik oqaatigineqartarnissaat pingaartittarsimallugu.

Justus Hansen (D): Tamanut qujassuteqarpoq. Innuttasunit qinikkatut sulineq ummammik aallaaveqartariaqartoq oqaatigaa. Taamatutaaq illuatugiliuttut sulillaarsimanerannut qujassuteqarpoq, oqaatigalugulu siornatigut suleqatigiinnerniit anisimalluni, kisiannili ersarissaasutigalugu uummat aallaavigalugu sulisimanertit tassuunartaatigut aamma takussutissaqarmat. Taamatutaaq parteeqatiginikuusimasat nammineq aallarniisimanerat ataqqillugu oqaatigaa. Naggataagullu inuusuttut siumut ingerlarusunnerat tulluussimaarutigalugu oqaatigaa. Kommunalbestyrelsimut taamatutaaq Inatsisartunut qinersinissamat malinnaanissaminut qilanaarluni qinigassanngorteqatini qineqqusaarluarnissaanik kissaallugit, ilaqutaasut aammalu kammalaataasut qinikkatut sulinermi aamma eqqorneqartartut qujassuteqarfigai.

Henrik Rachlev (IA): Ukiunut sisamanut ingerlareersunut qujassuteqarpoq. Kommuni suli nutaajusoq aqqanilinnillu utoqqaassuseqartoq ersarissaasutigalugu, suliassat suli ingerlannissaat oqaatigaa. Kommuunerujussuup suleqataaffigalugu pikkunarsinaasarsimasoq aammalu nuannersimasoq oqaatigaa, ataatsimiititanilu marluusuni suleqatigiilluarsimanermit qujassuteqarpoq. Taamatutaaq Kangiani qinigaasimasunut aammalu tunuliaqutaasimasunut qujassuteqarluni. Naggataagut Paamiuni utoqqaat meeqqallu saaffiginnittarsimanerannut qujassuteqarpoq. Paamiunilu atuarfik suliarineqarlermat qujassuteqarluni. Qiningassanngorteqqittut qineqqusaarluarnissaanik kissaallugit, namminerlu qinigassanngorteqqinniarni aalajangersimanini nalunaarutigalugu, qinigaaffimmi nutaami isertussat sulillaarnissaanik kissaappai. Taamatutaaq atorfilittat sulillaarnissaanik kissaappai.

Thioq Knudsen (S): Ukiuni sisamani suliat amerlaqisut, naak Siumumit siunnersuutigisarsimasat ingerlaqqissimangitsut annertugaluartut, ingerlariaqqinnissaq suli periarfissaasoq oqaatigaa. Atorfilit tamarmik qujassuteqarfigai, taamatutaaq Siumut gruppimi suleqatigiilluarsimanermit, tamanullu suleqatigiilluarsimanermit qujassuteqarpoq.

Michael Rosing (Att): Sinniisussatut Kommunalbestyrelsimi issianini nalunaarutigalugu aammalu naggammik issianini nalunarutigalugu, politikikkut sulisimanermini ilikkarsimasani politikikkut isumaqatigiinngikkaluarluni suli kammagiissinnaaneq pingaaruteqartoq oqaatigaa, tamannalu uani Kommunalbestyrelsimi misigisimallugu nalunaarutigaa. Qineqqusaartut qineqqusaarluarnissaannut kissaappai, taamatutaaq inuppalaarnissaq eqqaamallugu sulinissamik kissaasilluni.

Charlotte Ludvigsen (IA): Suleqatigiilluarsimanermit qujavoq. Borgmesteritut qinigaaffiup qeqqani inissisimanermini politikikkut siunnerfigisimasat aammalu 2030-p tungaanut anguniakkat siuttuuffigisimasani naammassineqarsimanerat, tamannalu partiit akimorlugit suleqatigiissinnaasimanermit pisimammat nuannaarutigalugu oqaatigaa. Taamatutaaq qinikkat qineqqusaqqinniangitsut qujaffigalugit, najugarisamilu sulillaqqinnissaanik kissaallugit, naak kommunalbestyrelsemi sunniteqarsinnaajunnaaraluartut. Qinigassanngorteqartinimut politikikkut angusanut aamma qujassuteqarpoq, taamatutaaq atorfilittat politikikkut anguniakkanut ulluinnarni piviusunngortinneqarnissaannut sulillaarsimanerannut qujassuteqarluni. Naggataagullu tusarnaarianut najuuttunut aamma qujassuteqarpoq.

Punkt 6: Lukket

Punkt 7: Imaqarniliap akuerineqarnera

Beslutning

Imaqarniliaq akuersissutigineqarpoq nal. 17.50.